

Dissertatio inauguralis chirurgico medica de vulnerum lethalitate / [Johann Caspar Isaac].

Contributors

Isaac, Johann Caspar, 1674-1738.
Stahl, Georg Ernst, 1660-1734.
Universität Halle-Wittenberg.

Publication/Creation

Halle : C. Henckel, 1703.

Persistent URL

<https://wellcomecollection.org/works/sbkbwdx9>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

I. N. 7.

DISSERTATIO INAUGURALIS CHIRURGICO-MEDICA,
DE**VULNERUM LE-
THALITATE,**

Quam

RECTORE MAGNIFICENTISSIMO,
SERENISSIMO PRINCIPE AC DOMINO,**DN. FRIDERICO WILHELMO,**
ELECTORATUS BRANDENBURGICI
HÆREDE, &c. &c.*In Illustri Fridericiana*GRATIOSISSIMÆ FACULTATIS MEDICÆ CONSENSU
ET AUTORITATE
SUB PRÆSIDIO**DN. GEORGII ERNESTI STAHL,**
MED. D. ET PROF. PUBL. ORDIN. ACAD. NAT. CUR.
COLL. FACULT. MED. h.t. DECANI
GRAVISSIMI,DN. PATRONI ac PROMOTORIS SUI ÆTATEM DEVENERANDI
PRO**GRADU DOCTORALI**Summisq; in ARTE MEDICA Honoribus, Insignibus ac Privilegiis
More Majorum solenni obtinendis

IN AUDITORIO MAIORI

Horis ante- & pomerid.

Ad diem Jun. An. M DCCIII.

publicæ Eruditorum ventilationi proponit

JOHANNES CASPARUS Isaac

Gorlic. Lusat.

HALÆ MAGDEBURGICÆ, Typis Christiani Henckelii Acad. Typogr.

VIRIS
NOBILISSIMIS, AMPLISSIMIS, CONSULTISSIMIS
AC PRUDENTISSIMIS
DOMINIS
CONSULIBUS,
PRÆTORI,
SYNDICO,
SCABINIS,
ET
SENATORIBUS,
REIPUBLICÆ GORLICENSIS IN-
CLYTÆ GRAVISSIMIS,

*Dominis Patronis ac Fautoribus suis
maximè Devenerandis,*

DISPUTATIONEM HANC INAUGURALEM

*in observantissimi animi tessera
inscribere voluit, debuit,*

JOHANNES CASPARUS Isaac.



I. N. 7.

PROLEGOMENA.



E Themate quodam Inaugurali me delibera tem, movebat statim à patrio spiritu ingeneratus amor non minus, quàm fervens jam inde à pueritia studium, ad Artem Chirurgicam, utpote ex quâ non minus honoris & commodi Medicis accedit, quàm ex reliquis Medicinæ partibus; atque ex campo ejus fertilissimo, præ omnibus Vulnera scrutari mihi visum erat; hâc tamen ratione, ut non Chirurgi solum, sed Medici quoque partes simul exercere atque defendere mihi esset integrum. Quapropter vexatissimam illam Vulnerum solummodo partem, quæ futura præfigire docet, pertractandam mihi elegeram. Sed cum ex alterâ parte, materiæ hujus obscuritatem perpenderem, ejusdemque difficultatem ponderarem altius, rectius illis relinquendam esse arbitrabar, quibus judicium maturius, eaque facultas, ut tali de re ardua judicare ingeniose, differere subtiliter, collocare aptè atque concinne possint. Ex alterâ verò parte abducebant me ab hoc instituto tot Vulneratorum Historiæ, tot de Vulneribus conscripti Li-

bri. Neminem siquidem latere potest, quantâ cum curâ, quantâque diligentia à summis olim & elapsi præprioris seculi Viris, *Hermannus Corbeo, Bernhardo Suevo, Melchiore Sebitio, Ambrosio Pareo, Fortunato Fideli, Paul. Zaccchia, Paul. Ammanno, Godofredo Welschbo*, & recentius adhuc à Celeberrimo *Bohnio*, aliisque, hæc de Vulneribus materia fuerit enucleata, ut irritò omnino conatu tentare viderer, si hanc doctrinam ex Cathedra recensere vellem. Verum enim verò, cum & lectio repetita in utilibus nunquam displiceat, & hæc de Vulneribus doctrina usque ad eò necessaria sit, ut quò plura dicantur, eò plura dicenda restare videantur, vicit me quoque ejus utilitas atque necessitas: cum & de futurorum eventu sollicitum esse maximè deceat Medicum & Chirurgum; non solum, ut imminentibus malis obviam eant, eorumque vehementiam ac magnitudinem prohibeant, sed Vulnera quoque ritè reetèque æstimare queant, eorumque pericula impendentia avertant, à Magistratu verò de inficto in conflictu prohibito vulnere quæsiti, rectum ferre possint judicium, an illud lethale vel non lethale, an sanabile vel periculosum extiterit, vel aliundē mortem attulerit: quò Judici benè informato vel à pœnâ reum absolvere, vel eundem secundum leges & statuta punire liceat. His itaque mecum pensatis diligenterque examinatis tantum abfuit, ut desiderio meo obesse potuerint, ut potius tantò acrius & penitus eam loco INAUGURALIS Exercitii sub rationis examen vocare, mecum constituerim. Neque ardua ejus investigatio me deterrere valuit, cùm planè ejusmodi censores & æstimatores me habiturum certus confidam, qui errata & omissa humaniter sint condonaturi. Tu modò, summe Deus, benedic, quæso, hisce meis laboribus clementissime,

simè, ut omnia mea cœpta in tuam æternam gloriam,
proximique salutem felicissimè eveniant!

§. I.

MEdicam Doctrinam in tres, propter triplicem, quem gerit, finem, Partes, in Commentatoriam, Consultoriam, ac Renunciatoriam dispesci posse, tyronibus quoque artis medicæ, erit cognitum: quarum prima, ut brevissimis utar, illa est, qua Medicus de his vel illis corpus humanum invadentibus morbis eorundemque symptomatibus redditur certus: altera, cùm unus vel plures Medici considerationem status alicujus sive secundum, sive præter naturam cum suis causis & Consequentibus instituunt, cum ritè factâ utriusque Methodi Conservatoriæ ac Curatoriæ per indicaciones & remedia applicatione; tertia; si Judex s. Magistratus à Medico vel Chirurgo de ægri vel vulnerati statu, h e. de Vulneris Lethalitate, de Contagio, de Veneno propinato, de Ingravidatione verâ vel falsâ, de foetus propulsione ejusque strangulatione, de deflorata Virginitate, de Superfœtatione, de Mola, de Monstris, de Hermaphroditis, de sustinendis Torturis, de Cruentatione Cadaverum, de Morborum, & mortis simulatione, aliisque quam plurimis, judicium sive sententiam suam postulat. In hac autem Renunciatoria locum supremum facilè meretur Vulnerum Lethalitas; non solum, quod omnium fermè difficillimum ac summè spinosum sit Medicum de Vulnerum Lethalitate judicium, sed quoque, cum frequen- tissimè omnium accidat, ut de Lethalitatis quæstione lites ac difficultates maximæ à Jure-Consultis proponantur, ad quas dirimendas ac decidendas Magistratus unicè propterea à Medicis informari desiderat, an vulnus inflictum Lethale fuerit, per se, an verò per Accidens. Facilè aliás contingit, ut innocentes capitaliter puniantur, qui debebant absolvī; è contrario nocentes dimittantur, in quos oportebat realiter animadvertisse.

§. II. Ut ergo in hoc meo instituto omnia clara, nec sine ordine proponantur, ad duo statim respiciendum erit, **Vulnus scilicet**, ejusque Lethalitatem. Primum quod attinet, intelligent sub hoc nomine Medici & Chirurgi communiter omnem continui solutionem in partibus quibusdam tam mollieribus, quam durioribus, ab instrumento aliquo secante, rumpente vel pungente factam, cum humorum stillicidio plus minus notabili. Istam vero solutionem, quae ex causis internis quandoque contingere solet, intellectam hec minimè volo, sed vulneratum, einen Verwundeten / cui vi externâ, veluti instrumento quodam vulnerus illatum est, hac in Dissertatione suppono.

§. III. Ex tali tamen descriptione statuere neutquam debes: lethalitatis formalitatem semper consistere externè in solutione continui: siquidem constat: etiam ex violento ictu circa regionem epigastricam, ex inficta alapa & commotione Cerebri mortem subsecutam fuisse subitam: quamvis nulla sensibilis continui solutio deprehensa fuerit, immo nulla externæ vel internæ lœsionis apparuerint vestigia: qualia exempla plurima ex lectione Autorum, Benivenio imprimis de Abdit. Morb. caus. adduci possent. Sic legere licet apud Hippoc. de virgine illa pulchra, quæ percussa à muliere amica ludente latâ manu ad Synciput, oborta vertigine & respiratione privata occubit. Testati id quoque *Zacch. in Quest. Med. LL. Lib. V. Tit. 2. Q. 10. n. 3. 4.* quod tales percussionses & ictus validi, quacunque in parte, præcipue tamen in capite, in stomacho, in pectore, & regione hepatis sine omni dubio proximæ cause mortis esse possint, etiam si nullum ab extra appareat nocumentum, nulla continuatatis solutio. Nec rationi absconum videtur: quoniam violentia talis externa ad vasculorum internorum dilacerationem, partium nervosarum sensacionem exquisitissimam, qualis superioris stomachi orificii est, cerebri medullæque oblongatae concussionem validam suscitandam est aptissima, quibus denique Epilepsia, Apoplexia, Catuche, Lethargus, similesque affectus tanquam comites pressis vestigiis succedunt.

§. IV. Quemadmodum v. Vulnera non ad eandem semper in-

infliguntur mensuram, sed vel mille modis variant: Ita variae ab Autoribus recensentur differentiae, quae desumuntur vel ab ipsorum Essentia, vel à parte lœsa, vel quantitate & figura, vel ab instrumentis. Horumque intuitu vulnera apparent nunc simplicia, nunc composita; alia carnosa, nervosa, arteriosa &c. alia magna, parva, superficiaria; alia longa, lata, profunda, brevia, angusta, rotunda, transversa, obliqua, æqualia; cæsim alia, alia punctum inflictæ observantur: quæ lœsiones omnes ideo notandæ veniunt: quod tendinum, nervorum & juncturarum vulnera periculosiora semper sint simplicibus carnosis, omnia interna periculosiora externis, omnia punctum inflictæ periculosiora cæsim factis; globis pulvere pyreο explosis inflictæ, & omnia alia cum insigni contusione partis facta, periculosiora cæteris. Omnia, capitis vulnera, etiam minima, sunt maximi facienda, maximè tamen ea, quæ accidunt in suturis. Pro harum enim aliarumque circumstantiarum diversitate, ac ratione Symptomatum, lethaliitas non raro cognoscitur ac judicatur.

§. V. Differunt denique vulnera inter se ratione periculi, & hujus respectu sunt vel mortalia, quæ ad vitam necessariæ virtuti impedimentum objiciunt, ut placuit Hippoc. dicenti L. V. Aphor. *Vesicam incisam, aut cerebrum, aut Cor, aut jecur, aut dia-phragma aut renes, aut intestinorum aliquod gracilium, mortale;* vel periculosæ, qualia ferè omnia intrinseca sunt, quoniam ab extrinseco aere ipsa alterantur, & Spiritus offenduntur, ac etiam virtus, quæ humanam naturam solet fulcire destruitur. Habet ergo se tanquam anguis in herba latitans. Sic talia comprehendimus in lœsione Cranii & Meningum, quando vulnera cranii ex incuria vel negligentia nimis citò consolidantur, & ita serosæ ac purulentæ materiæ exitus intercipitur, vel retinetur, quæ tantam acrimoniam tractu temporis contrahit, ut non tantum cerebri substantiam, alijs mollem ac spongiosam, verum etiam ipsum cranium corrodat indeque necessariò varia ac periculosæ symptomata, nisi evacuentur tempestivè, subsequantur. Item in punctura nervorum, propter eorum sensibilitatem & communitatem, quam cum cerebro habent,

&

& subsequentem spasmum. Unde illud divini Hippocrat. certificatur: *In vulnera spasmus superveniens, ut plurimum mortale.* Caveas vero ne vulnera hæc inter se confundas, & *insanabilia pro lethalibus judices;* cùm lethalia quidem insanabilia dici mereantur, hæc verò ab illis toto cœlo differant. Res in Exemplis erit clarior. Singularis planè prostat observatio, quam *Platerus* scriptis suis insertam reliquit, viri cujusdam in abdomen sauciati, refertque de illo, istum per plures annos per fistulam à vulnera intestini atque abdominalis remanentem, feces alvinas quotidiè excrevisse, qui tamen ad cæteras partes omnes satis validus vixerat, alia ut taceam. Parili ratione differunt periculosa à lethalibus. Quid enim accidit frequentius, quam ut quis levi ex plaga vitâ discedat. Exempla iterum qui velit, adeat *Guilielmum Fabritium*, inveniet ibi Virginem nobilem, quæ casu vulnusculum in vertice contraxerat, ubi cutis vix læsa fuerat. Illa, quia neque inflammationem sentiebat, primo & secundo die, vulnus seu potius contusionem, planè neglexerat. Tertio die incepit parum dolere: quapropter barbitonforem accersivit, qui rafis crinibus, cutem vix læsam animadvertisens, virginem irridebat. Quarto verò capitis gravitate & febricula correpta est. Medicus ad ipsam vocatus, offendit ipsam delirantem, faciem & oculos inflammatos & linguam aridam, ita ut sequenti die è vita discesserit. Aperto capite, sanguinem sub cranio collectum & cerebri membranas inflammatione correptas invenerunt; Cranium tamen nequaquam læsum. Fuit, hoc vulnus maximè periculosum, nec tamen lethale, cum sanguis extravasatus, mature discuti, aut trapanationis beneficio evacuari potuisset.

§. VI. Ex hac multiplici differentia erui solet plerumque vulnerum Lethalitas, de qua in genere breviter dicam. Scilicet verbum θανάσιμον, *lethalē*, vel *mortem inferens*, non uno modo, sed tripliciter, in Foro Medico accipitur; scilicet 1. pro eō, quod κακὸν vel κινδυνῶδες, malum, pravum, perniciosum, ac periculosum est; 2. pro eō, quod θανατηρώτερον καὶ χαλεπότερον, maximè periculosum, & ut plurimum cum vitæ periculo est;

&

& 3. pro eo, quod ἐξ ἀνάγυντος, simpliciter, absolute, & necessaria mortem inferre solet.

Tὸ Lethale, porrò aliter à vulgo, aliter à Medicis accipitur. Vulgus omne id vulnus lethale esse dicit, si citò mors illud sequatur; absque ulla tamen ulteriori deliberatione aut inspectione vulneris. Verum aliter Medici voce illa utuntur, & nonnisi id vulnus lethale appellant, quod per se ac sua natura mortis causa existit, adeoque nec aliquot dierum morā dilata vulnera, è lethalitatis reatu eximi heic queunt, sed æque lethalia sunt, & esse possunt, quoniam, quod differtur, non auffertur, lethum. Hinc tam ex fundamentis artis, quam veterum pariter ac recentium Medicorum autoritate, nata est divisio, quâ despescuntur vulnera, in Lethalia seu θανάσιμα ἐξ ἀνάγυντος, hoc est, ex necessitate, vel simpliciter & absolute lethalia, quæ sua naturâ, immediate, ac inevitabili necessitate, omni spe sanitatis defalcata, nullo interveniente symptomate, lethum inferunt; ac nulla ope, nulla cura, nullisque remediis peritorum, corrigi aut declinari possunt, quæ lethalia ab initio, dicit B. Redekerus, in dissert. de vuln. hab. Et quæ πάνυ, πολλάκις, καὶ ὡς ἐπὶ τὸ πόλυ, sæpè & ut plurimum, mors excipit, h. e. quorum curatio ut plurimum male succedit; quæque concomitantia habent symptomata gravissima, licet non semper mortem inferant: quæ Lethalia ab Effectu dicit modò laudatus Redekerus: quanquam accuratius summè periculosa eadem vocaveris: v. g. vulnera cerebri minus profunda, & in quibus copiosa saburra humorum in superficie cerebri colligitur, quæ saburra non potest subtrahi, nisi interdum fortuito naturæ motu: vel si cruentorum humorum saburra colligatur in cavitate thoracis, & copiosus sanguis coagulatus seu effusus sit, ex vasis sanguiferis. Etenim si forte fortuna beneficio naturæ illa saburra iterum substantiam, & per horum bronchia cum tussi evaucetur, fieri potest, ut thorax liberetur, sicque ægrotans recovalescat; vel si beneficio motus thoracis & convenientis situs patientis, crux coagulatus bene protrudatur versus vulnus, sicque extrahi possit. Sic accidit quandoque, ut intestino-

rum vulnera majora minoravé currentur; si nimirum intestinum lœsum præcisè attigerit vulnus, & unà cum musculis abdominis concreverit. Et sic in reliquis. Tertiò, dantur vulnera, ex quibus ut talibus, percussus non perit, sed pro diversa menditis industriâ vel peritiâ, vel ægri convenienti pravoq; regimine, vel aliis circumstantiis, modò convalescit, modò fatis cedit, quæ nata συμβεβηκός, per Accidens Lethalia, pronunciari possunt.

§. VIII. Judicantur vero vulnera lethalia nec ab Essentia vulneris, nec sua magnitudine, nec à concursu Symptomatum, sed solum à vulneratæ partis natura, propriisque solutæ unitatis differentiis. Nam si aliquod vulnus sua essentia esset lethale, vulnera omnia semper necessariò essent lethalia; nulla salubria; cùm tamen alia lethalia, alia tuta nuncupentur; alia verò, quæ medio quasi consistant loco, ac periculosa dicantur. Sic quoque magnum sæpe numero tutum, parvum verò perniciosum esse, quotidiè experimur, de quibus in seqq. plura dicenda erunt. Nec ratione symptomatum; posito, ut quis accepto in dígito vel alia ignobilí parte, vulnere, oborta inflammatione aut spasmo intereat: lethale propterea illud esset appellandum. Minimè gentium: cùm talia symptomata nunquam vulnera suâ naturâ lethalia constituere possint, quamquam æger morti sæpiissimè succumbere tenetur. Hoc suo jam tempore expertus est Hippocrates, dum scripsit: Moriuntur homines ab omnis generis vulneribus, quamvis in vilibus locis, & nullaregravia esse videantur. Quotidiana etiam sa- tis comprobat Experientia: multos levibus acceptis vulneribus, aut certè minime exitiosis præter opinionem tamen interiisse: quæ res ad Judices delata non modicè illorum animos exercuit, unde nimirum potissima extiterit mortis origo.

§. IX. Rectius ergo Lethalitas ex partium dignitate ac necessitate, propriisque solutæ unitatis differentiis agnoscenda ac judicanda erit. Tales partes nobiles omnes sunt, quæ in corpore nostro principatum tenent, ac fontes sunt, facultatum; nimirum Cor, cerebrum, jecur, pulmo ac ventriculus, quem veteres Medici propter magnam illius actionis ac necessitatem Regem corporis nuncuparunt; medulla spinalis, quæ ejusdem notæ cum cerebro esse censetur, estque velut

velut alterum quoddam cerebrum partibus omnibus , quæ sub capite sunt ; septum item transversum seu diaphragma , arteria aspera seu trachea , intestina tenuia , atque vesica urinaria , folliculus felleus ; quæ partes omnes , si semel lœfæ ac divisæ , difficulter admodum coalescere possunt , cum tamen necessaria vitæ actionem exerceant ; Os pariter ventriculi , exquisitissimo sensu præditum , maximaque afferens symptomata ; arteria magna , vel vena magna seu cava lœfa , sanguinis repentinâ effusione vitam destruentes , & quæ sunt aliæ .

§. X. Super horum vulnerum lethalitate , pro necessaria , Judicis informatione , sententiam suam deponere jubetur Medicus . Sed quis , quæso sagacissimus quoque fundamentaliter ac sub sancta conscientiæ fide , has vel illas partes , & quomodo , sauciatas esse certo affirmabit , nisi accuratissima vulneris lustratio præcesserit ? Hâc neglectâ , nunquam lethalitatis & Non-lethalitatis causa certis firmisque inniti poterit fundamentis , ad eoque nec judex occisorem ordinaria pœnâ afficere valebit , dum in iis , quæ de sanguine humano agunt , probationes dubiæ ac semiplenæ ad mortem inferendam non sufficiunt .

§. XI. Ex his , ut puto , statim apparet , Inspectionem vulneris ad judicij rationalis concinnationem maximè esse necessariam , quæ juxta Celeberrimi Welschii ductum nihil aliud est , quam sedula , diligens , & accurata , in vulneris conditionem ac qualitatem , à Medico & Chirurgo , à Magistratu legitimè requisitis , ad Judicis super Lethalitate vulneris informationem , instituta inquisitio .

§. XII. Cùm vero arduum hocce negotium duabus saltem personis , Medico ac Chirurgo , unicè ferè nitatur , absolutæ quoque necessitatis erit , ut anatomica æque ac Chirurgicâ scientia probe sint imbuti , exactoque dissecandi Cadavera artificio instruti . Hos tamen , dum nomino , Medicum præprimis intellico ; cùm sæpè contingere soleat , ut hic ignarum hujus rei Chirurgum informare , aut ipse , urgente necessitate , sectionem administrare debeat , præprimis si conscientiosus sit Medicus . Is profectò sectionem manibus propriis potius administrare debet ,

quàm rudioribus illis sociis eam committere , qui imperitia sua partes potius lacerant ac perforant, quam vulnera investigant. Melius enim est cruentas manus, quàm conscientiam maculatam possidere. Imò impossibile, ut Medicus in dicenda sententia semper certus esse queat , nisi sedula inquisitione, ipsissimas ad moverit manus. Hâc verò ratione relatio ejus firmô ta'lo stare potest, quæ basis est ac fundamentum, juxta quod in Medicorum Collegiis Lethalitas vel simplex vel absoluta finaliter deciditur.

§. XIII. Quodsi itaque sit, ut totum inspiciendi ac inquirendi negotium in rerum anatomicarum notitia consistat, facile patere arbitror : illud non soli Chirurgo, multò minus imperito barbitonfori vel balneatori, esse committendum ; cùm quotidiè experiamur , dari quamplurimos, qui Anatomiam satis crassâ Minervâ excoluerunt, & in sectionibus corporum humnorum minùs sunt versati, quàm laniones, aut alii hujus commatis , qui plures sectiones in mensa celebrarunt, quàm in Theatro Anatomico : qui pericranium cum pericardio , arteriam magnam cum arteria aspera , tendines cum nervis confundunt, sicque miserè errorum scopolis impingunt : horum imperitiam etiam adducit celeberrimus *Volcherus Coiterus*, dicens: Deploranda est quorundam inertia atque stupiditas , qui vesicam pro ventriculo, vermes pro nervis, pulmonem pro hepate demonstrant, & monstrosa atque absurdâ credulis spectatoribus narrant. Sic quoque *Ammannus* se vidisse testatur Chirurgum, quendam, qui sanguinem congrumatum in vulnere sinistri hypochondrii , pro liene aspexerat. Nonnè & adhuc hodie proh dolor ! taliusmodi deprehenduntur, qui hoc doctrinæ genus superficialiter tractant, canis ad instar è Nilo bibentis , atque experientia, quæ vel maximè requiritur, planè destituuntur ; qui sine rerum necessiarum studio & Theoria prævia arti se mancipant, imò haud rarò non citra temeritatis notam extra limites orbitæ suæ divagantes in Medicinam involant; dumque Empyricorum more ex sinistrâ licet perversâque remedii cujusdam surrepti applicatione casu fortè talem qualet effectum sentiunt, de quo gloriari quodammodo possunt, Medicis statim ipsis pares æstimari

volunt, morborum curationi se applicant, quorum terminos vix norunt, aut enunciare valent. Quomodo ergo homines isti relationem de Vulnere inflito concinnabunt, anatomiae & Chirurgiae fundamentis consentaneam?

§. XIV. Majori itaque jure isti à Magistratu adhibendi sunt, qui manibus oculisque curiosis humani corporis structuram, partium nexum, juncturam membrorum, viscerum situm, absconditos perplexosque vasorum meatus, exploraverint diligenter: nec adeò refert, ut sectionibus istis Doctor intersit legitimè promotus, cum & talis ob scientiæ anatomicæ exercitiique crebrioris defectum, vulnera dijudicare nequeat, sed sufficit, modo Practicus, modò Candidatus, modo sit expertus, & fundamentalem solidam & perfectam artis anatomicæ habeat notitiam, siue judicij rationem reddere queat, ut in vulneris qualitatem inquirere, & super lethalitate ipsius judicare sufficiat: quò etiam respexit *Angelus Aretinus* in Proem. Inst. dicens: Quando aliquid committitur faciendum alicui, debet committi illi, qui sit peritus in eo, quod faciendum est, & debet esse peritus totius artis, non partis tantum.

§. XV. Est autem res hæc maximè ardua atque spinosa: cum non deglande hic queratur legenda, sed humano sanguine & vita. Lucidis proinde & indubiis omnino opus est probationibus, non turbidis innitendum conjecturarum fluctibus; hoc est, non sufficit vulneratum esse mortuum, sed necesse etiam est, ut causa quoque constet vulneris atque conditio. Aperiendum, est corpus, manus nostræ oculatae sunt, credunt, quod vident. Hinc recte hodie receptum est, solenni quasi Magistratus sententia, de jure & consuetudine, examen vulneris committere, Medico & Chirurgo, secandi peritis, & rerum anatomicarum, gnaris, qui juxta artis fundamenta omnia minima peragunt, ita quidem: ut dirigente, nec tamen otioso, Medico prosectionem instituat Chirurgus, medici minister, ita tamen, ut sedulo sibi caveat, ne ante cadaveris sectionem, stylo vel instrumento aliquo ferreo, in vulneris profunditatem inquirat, cum ita vel vulnus dilatari, vel aliæ partes interiores lœdi facile possint: hicque

in sordidis ac vilioribus operationibus Medicum sublevet, ipsaque manus aperturæ cadaveris admoveat: iste verò super vulneris qualitate dicat sententiam. An vero etiam Chirurgus isque solus, ut nonnulli statuunt, sententiam suam super lethalitate vulneris coram Judice deponere possit, lubentissime affirmarem: si modò eorum relationibus sine Medici comprobatione fidere integrum esset; cùm talis depositio ejusmodi sit opus, quod sanè prudentiorem conjecturam & ratiocinationem requirit. Ast quali peritia nonnulli trivialium tonsorum sint prædicti, paucis jam §. 13. explicatum est; dum nimirum in hac utilissima pariter ac maximè necessaria scientia anatomica ita male sunt versati, ut nec Calvariam sine meningum ac cerebri laceratione appetire, nec reliquarum cavitatum viscera multominus vasorum ramificationes promptè discernere queant. Hac sane ratione tesseris & sorti opinor tutius committeretur hocce negotium, quam temerariæ horum tractationi, ineptæque relationi & futili judicio; quanquam alias munus hoc deponendi etiam Chirurgo, quatenus docto, experto, artisque suæ optime gnaro omnino committi posset. Et ne omnia absque ratione me dixisse videar: liceat mihi inter alia hæc verba ad Facult. Med. Lipsiensem transmissa, & ab Ammanno in *Prax. Vuln. Leth.* p. 170. approbata adducere: weil ihnen absque Medico nicht zu kommt / noch ihr Verstand (immaßen derer hierzu gehörige Verstand und peritia nochmehls negiret wird) so hoch hinaus langet/absque rationibus ceu brutum, super lethalitate vulneris zu judiciren.

§. XVI. Et quemadmodum tale judicium sanguinem hominis concernens in hac functione medica secundum Hippocratem admodum difficile est: tanto sic major requiritur diligentia, ut talis inspectio sedulò, diligenter & accuratè instituantur, quo Medicus de qualitate vulneris rationem reddere queat sufficientem: quod ex voto contingit, si læsionis modus non solum vulnerisque accidentia cum industria attendantur, & fideliter examinentur; sed ab adstantibus quoque alternatim, aliud quasi agendo, in litis occasionem, armorum genus, vulne-

rati conditionem & alias inquiratur conditiones, eaque omnia, quæ circa vulneratum à principio læsionis usque ad mortem fuerint acta, probè cognita fuerint, atque perspecta; hæcce enim singula, quæ scilicet nostrâ intersit referre, planè percunctari, fides omnino nostra atque integritas poscit, quibus deliberatus domi omnibus denuò ponderatis, non minimus acquiritur rei pragustus: hisce vero neglectis, fieri aliter non potest, quam ut Inspectio illegaliter peragatur, læsionis phænomena minus accuratè referantur, circumstantiæ insufficienter exponantur, ex quibus variæ dein Magistratui oriuntur difficultates, ob quas se extricare non conceditur, sique reum vel absolvunt, vel innocentem damnant: non attendentes aurea verba Sebitii de Exam. Vulner. Leth. Magnum quippe crimen est, & impietatis plenissimum, eum, qui a mortis pœna liberari potest, falso & iniquo testimonio reum facere; peccatum maximum, servare velle illum, quem ob vulnus illatum lethale, leges homicidarum pœnâ damnarunt.

§. XVII. Medicum porrò in judicio de Vulnerum Lethalitate ferendo, liberè omnia, ac sine fuso proferre, nihil subdolè, nihil teste loqui, ab omnibus item præjudiciis, hypothesibus & casuum identitate liberum esse oportere Melchior Sebitius in Exam. Vuln. Part. 3. optimè inculcavit, dicens: Oportet hoc in casu animum habere ab omni affectu vacuum credendo, D E U M καρδιωγνώσην nobis adesse, & factorum nostrorum omnium Inspectorem esse oculatissimum, si que contra veritatis ac æquitatis legem sententiam tulerimus, vindicem severissimum, sin pró veritate steterimus, Fautorem ac remuneratorem benignissimum &c. nec non Codronchius meth. testif. Cap. 3. hic verbis: Medicus qui de morbo aliquo vel vulnera sententiam suam religiose testificari debet, ante omnia animum ab omni affectione perturbationeque liberum vacuumque eum habere oportet, & veritatem sectando mendacium odio prosequi: ideo requisitus à Judice, qui juxta formam vel ordinem juris interrogat, veritatem dicere debet, qualibet utilitate vel ratione speciei boni vel honesti seposita &c. Eodem modò graviter peccare, manusque suas sanguine innocentî maculare

Medicus potest, si in deponendo præcipitania peccet juxta *Fi-
eni* verba *Semel. Part. i. Sect. 4. C. 1.* Si Medicus nimis temerarie
judicat, reus est ipsem mortis & supplicii vulneratoris. Hinc
monitum *Guidonis de Cauliaco de vulner. Cap. I.* notatu maximè di-
gnum est; quando dicit: Non sis, rogo te in judicando velox
& subitus, sed deliberatus & prævisus: nec non *Fort. Fidel. de Re-
lat. Med.* inquiens: Nihil dices, quod non satis digna medita-
tio judiciique maturitas elaboravit: Neque enim in gravi &
difficili quæstione, & quæ forsan à vulgari intelligentia remo-
tior sit, dedebeit Medicum, doctum licet, usque ac literis
præstantem, justum aliquid temporis spatium exposcere, ut
consultis Autoribus de re proposita sententiam ferat.

§. XIIIX. Finis denique hujus inspectionis primarius nihil
aliud est, quam vulneris omniumque circumstantiarum cogni-
tio, & certitudo, ut Medicus formaliter judicare queat, an ex
vulnera ipso, an alia de causa æger perierit. Et si judex justi-
tiae imprimis administrandæ, ac homicidii puniendi gratia, à
Medico sententiam super lethalitate rogat, iste ex vulneris de-
scriptione lethalitatem legaliter possit æstimare. Habet enim
hicce à Zelote illo maximo DEO, ut in omnia facinora ac de-
lictorum genera, sic in hoc detestandum scelus, homicidium
puta, serio animadvertisendi officium, quod sacris in literis Num.
XXXV. v. 16. 17. 18. 19. 30. perspicue obsignatum dedit.

§. XIX. His peractis, quæstio adhuc supereft: an inspeftio
semper celebrari debeat: dum *Illustr. Stryckius de Jur. Sens. Diff.
i. c. 3.* aliquique putant: Inspectionem cadaveris haud semper ad-
eò necessariam esse, quin, illa neglecta, poena ordinaria in occi-
flore locum habeat, ubi scilicet lethitalitas statim ex breviori vi-
tæ termino & morte, vulnerationem immediate excipiente,
maximè probabiliter concludi posset. Tali in casu, tanquam
re certâ, sectione non opus habere Judicem existimant. Sic
& clarissimus *Feltmannus C. 54. §. 4.* ubi homo ex vulnera statim
atque iectus, mortuus fuerit, rem tam claram esse, putat, ut
nullis opus sit conjecturis, ne inspectione quidem vulneris. Ve-
rum cùm verò, prostant observationes non paucæ, ubi vulnus
imme-

immediatè mors suscepere, cum tamen læsio isthæc minime extiterit causa mortis, sed potius morbifica ipsius ægri dispositio. Finge latentem hydropem. Finge, inquam, interiores partes thoracis occupasse Apostema quoddam, perfoditur pectus ad exitum usque ægri subitaneum, quomodo in præsenti cadavere ejusmodi mortis ætiologia erit concipienda? Tale quoque exemplum docet *Bonet. in Anatom. Praet. L. IV. S. III.* ubi juvenis robustus satis nocturnis horis à duobus ebriis gladio duabus locis punctim fuerat transfoissus, primum vulnus prope claviculam dextram anterius inflictum, alterum prope scapulam sinistri thoraci adactum, qui etiam 14. die anhelus expiravit. In dissecto cadavere, cætera sano, nullum vulnus profundum inventum est, nec ulla pars interior læsa observari potuit: sed ingens copia maximæ purulentæ candicantis, in sinistra cavitate thoracis, instar empyematis profiliuit, sine insigni fœtore, quæ aliquot mensuras facile expleverat, & diaphragmati incumbens respirandi difficultatem & dolorem ejus partis auxit: ex pericardio crassissimo pus quoque emanavit. Hinc rectè quærerit dictus hic Autor: an ex vulneribus homo perierit, an potius ex apostemate thoracis interno, quod fortè in conflitu ruptum fuerat. Finge porrò, laborare quendam polypo cordis vel alias partis nobilioris, accidit ut hoc vel illo actu ex improviso caput ejus lœdatur, excandescit, sanguis ebullit, & brevi sequitur mors: quæreritur: an hic ex vulnere perierit, an ex fervore sanguinis ab ira nimium concitato suffocatus. Talia exempla plura Celeberr. *Bohn. in Tract. suo de Renunc. Vuln.* allegavit, quæ ex sectione Cadaverum ipse observavit. Et inter alia refert: Nobilem, cui quilibet summam senectutem promisisset, ad latus uxoris repente occubuisse, cuius subitaneæ mortis causa in cadavere, ruptura sinistri cordis ventriculi prope ostium aortæ, hinc cruoris ad pectus profusio deprehensa fuit. Hunc ergo, pergit modo laudatus *Bohnius*, si paucis ab obitu horis leviter sauciari contigisset, e.g. in abdomen, nonne ex vulnere mortifero decessisse autumasset? Aliud recenset *D. Philipp. Jacob Sachs in Epb. Germ. dec. I.*

anno 2. obs. 122. in schol. ubi: Hoc ipso, scribit, anno 1671. Mens. Apr. Uratslaviæ ancilla quædam servi cuiusdam nimiam jocandi licentiam frenatura, cantharo parvo ligneo circa tempora percudit, qui scalas quidem descendit, in atrio tamen in terram concidit, & exspirat: aperto capite interius NB. nulla certa vestigia mortis causæ inventa fuerunt. Quis ergo de certo affirmare ausit, hunc servum ex vulnere, tanquam sola & unica causa mortuum fuisse Ex his omnibus satius, ni fallor, apparere arbitror, inspectionem vulneris semper adornandam esse, ut pateat, quænam pars aut partes corporis lœfæ sint, & quomodo lœfæ: imò non illæ partes tantum, ad quas vulnus penetrasse ipso statim sensu patet, inspici debent, sed & vicinæ, & quæ quocunque modò suspectæ esse possunt lœsionis, caput præprimis, in quo integumenta sæpè externa integra, minusque tumida aut fugillata comparent, ipsaque cærebri involucra ne quicquam violentæ impressionis ostendunt, sub dura nihilominus meninge ac inter cerebrum & cerebellum notabilem crux copiam reperimus. Quapropter non unus tantum venter, sed plures imò omnes aperiendi, horumque recessus & contenta perlustranda sunt. Imò totum cadaver externe probe considerandum est, an in eo tumor, livor vel ictus conspi ciatur. Quodsi vero cadaver sine inspectione terræ mandetur, vulneris lethalitas non solum redditur sublesta vel dubia, sed nullitatis quoque vitio afficitur Processus, liberaturque homicida à pœna ordinaria juxtâ Carpzov. Qu. 26. n. 50. seqq. Feltmann. de Cadav. Inspect. Cap. 61. th. 6. De quibus tamen rebus ipsi JCti viderint.

§. XX. Adornetur verò hæc investigatio satis tempestivè, h. e. sine omni mora, & mox ab obitu vulnerati, dum de homicidio constat, ut nec dies, divino cultui dedicatus excipiatur; maximè æstivo tempore, quo cadavera facilius putredinem contrahunt: ne superveniens putredo, hincque concitatus foetor Medicum ab Inspectione exactiore terreat, ipsumque cadaver temporis tractu alteretur, putrefascat & corrumpatur. Quomodo quæso vulneris qualitas accurate cognoscetur,

tur, præsertim in iis subjectis ubi veneni suspicio adsit. Extali namque immutatione, alteratione ac putrefactione internarum partium nihil certi determinari poterit, aut assumti veneni suspicio augebitur, cum tamen nihil fuerit assumptum; aut imminuetur, quatenus alteratio talis ventriculi, aliarumque partium à corrosivâ veneni substantia reverâ facta, putredini instanti accensebitur. Hinc rectè *Facult. Lips. Med. d. 1. Dec. anno 1671.* ita respondit: So geben nach fleißiger Erwägung aller und ieder Umstände/ wir demselben zu freundl. Antwort/ daß zwar zu wünschen gewesen/ diese Besichtigung wäre zu rechter Zeit/ und nicht in einem Cadavere, so schon 8. Tage/ und zumahl Sommers-Zeit unter der Erden gelegen/ angeordnet worden (wie wir denn in dergleichen Casibus keinen Medicum schuldig zu seyn erachten/ seine Famam, und gesunden Leib in Gefahr zu setzen) da denn noch ein mehrers circa lethalitatem hätte eingebracht werden können scilicet. Sic loci quoque habenda est ratio, ut sit conveniens inspectioni, minimè obscurus nec clausus, sed si nullæ circumstantiæ dissuadeant, perficiatur sub aurâ liberiori hoc negotium, sic eò felicius non modò faceſſet, sed operantes quoque & adstantes ab ejusmodi putrilaginosis effluviis relinquentur immunes.

§. XXI. Operatione hâc anatomica, vulneris nimirum secundum artis leges regulasque peracta, diu adhuc plenâque fide est decernendum, antequam Mèdicus sententiam suam de Lethalitate concipiat, eamque ad judicem deferat, semper secum reputans, tale opus esse, quod tam caro luitur; sanguinem esse hominis profusum, qui ad cœlum clamet, si immeritus ense Carnificis profundi debeat. Rectius vulnus antea ab ipso probe perspectum, nunc ad sequentes circumstantias tam primarias quam secundarias justè examinet, ejusque lethalitatem vel Non-lethalitatem eruat. Inter primarias occurrit vulneris magnitudo, ejusdem qualitas ac figura. Secundariæ sunt dispositio corporis nativa & ætas: morbi antecedanei ac combinati, loci atmosphæra item Symptomata, ægri diæta, animi pathemata, & Chirurgi vel Medici peritia ac solertia diversa. Singula breviter attin-gam,

§. XXII. Primò ratione texturæ considerandum est, an pars lœsa sit musculosa, an nervosa vel tendinea: quia pro diversitate hujus lœsionis majora semper vel minora ex surgunt symptomata. Sic tendinosarum partium vulnera, ut asperæ arteriæ, vesicæ, & Circuli nervei diaphragmatis, carnosis semper sunt præsentius periculosiora, ob convulsionum gangrænæ sphacelique metum, quæ citius miseris hos homines ad Acherontam, sine viatico emigrare cogunt. Deinde videndum, quomodo vulnus sit collocatum, an in loco profundo & abscondito, an de ligationi magis accommodato, an vasa sanguifera interna vel externa solutionem passa. Talia certe vulnera, ob haemorrhagiam incomprehensibilem, haud vocant periculo. Quomodo enim sauciatis visceribus vasis venofis vel arteriosis ligaturas, stringendo sanguini necessarias, activa vel passiva remedia applicabis. Lethalia ergo evadunt, solùm propter *αθυαμιαν* curandi.

§. XXIII. Quantum actio partium lœsa vel denegata ad lethalitym conferat, vulgaris est observationis. Quis nescit, ex lœso & vulnerato nobilissimæ actionis organo, Cerebro, hominem fieri Lethargicum, Epilepticum, fieri Apoplecticum? Quis nescit, ob denegatum ex transfoßorum muscularum cœophagi, usum & officium, gravia vitæ imminere pericula? alia ut taceam, in quibus manifesta claraque consistit mortis significatio.

§. XXIV. Magna verò vulnera quid sint, quidque valeant, per se patet. Tribus tamen modis magna fieri apud *Pareum* legimus: scilicet propter solutæ unitatis & divisionis magnitudinem; vel propter principatum partis, qui ex actionis præsentia pendet; vel propter magnitudinem & Cacothiam, totiusque lœsi corporis cæochymiam, aut debilitatem. De secunda specie dixi, de tertia mox dicam, de prima id refero: magnum quippe vulnus judicandum esse secundum longitudinem, latitudinem & profunditatem. Sed quemadmodum leve vulnus nervorum vel medullæ spinalis, per consensum universales convulsiones spasmosque lethales producere potens sit; imò quo angustius pectoris vel abdominis vulnus, eò periculosius: sic longum la-

tum-

tumque sine manifesta majorum vasorum sanguiferorum læsione nihil periculi portendere sæpe cognoscimus. Nec parum refert, si de qualitate vulneris Medico constet, an *contusa* vel *venenata*, aut qualia, dum singula semper notabiliter differunt. Vulnera enim venenosa quadem materia infecta, stomacho, vesicæ & renibus ardorem inferunt, singultum excitant, tremore & horrore totum corpus concutiunt, anxietates inducunt, respirationis libertatem intercipiunt, veterno hominem consopiunt, & stupefaciunt, capiti vertiginem, oculis caliginem, sitim, hæmorrhagiam, febrem, vomitum indefinitem, faciei ruborem, lividitatem, pallorem, virium exolutionem, & alia multa sæpiissime inferunt: Et dum horum venenorū non eadem semper obser-vatur formalitas, hinc nec de iisdem alexipharmacis, horumq; antidotis semper constare potest, ob quam varietatem, vulnera talia *venenosa*, profundiora præprimis, *lethalibus* communiter accen-seri solent. Docet id quoque *Excell. Bohn. de Renunc. Vuln. p. 73.* Spectat huc, inquit, vulnerum venenositas, ab instrumentis læ-dentibus venenatis impressa, quorum qualemque & quomo-docunque ab his illatum, lethale. Ejusd. opinionis fuit *Zacch. Quest. Med. Leg. L. 5. Tit. 2.* nisi constaret, arma ipsa fuisse venenata, tunc enim hæc præsumtio esset adeò urgens, ut ex se ipsa sola facere posset, evidentissimam conjecturam, quod vulneratus ex vulnera mortuus sit, etiam cæteris omnibus conjecturis & præ-sumptionibus in contrarium facientibus: Sententiam confirmat quoque *Hildan. de Sclopétar. Cur. Cap. 2. p. 953.* ibi nonnulli dete-standi homines, perniciose, lethalique veneno globos inficiunt, adeò, ut minima quoque vulnera evadant lethalia.

§. XXV. Nec minorem difficultatem vulnera *contusa* gi-gnere videntur, quæ à sagittis, sclopeticis, igniariisque machinis in-fliguntur. Glandes enim plumbeæ sclopeticis explodi solitæ, ro-tundæ sunt, s. obtusæ & ponderofæ ac graves, unde corporis con-tinuitatem tam ossearum, quam carnearum partium solvere ci-tra contusionem & attritum nequeunt. Sic sagittarum telorum-que generi, discrimen existit inter se, tūm in materia, tūm in for-mâ seu figura, modò & facultate, seu viribus; ut sint alia lignea,

alia arundinacea, alia extremo pura, alia præpilata, alia ferro, cornu, vitro, osse armata: rotunda alia, alia angulata, mucronata & falcata, alia solo ferro, alia veneno delibata: hæ omnes non in impulsione solùm grave corpori inferunt damnum, sed in earum extirpatione, quoque novas incisiones, dilacerationes venarum & arteriarum, nervorum & tendinum, causantur, novamque ad extirpationes hemorrhagias ansam præbent. Accedit & hoc, quod his contusis vulneribus nulla sutura conveniat, ob insequentem saniem & putrefactionem, ut rectè nos admonet *Galenus*, dicens: *Necesse est contusum putrefieri, & insanum converti: frustraneus ergo non tantum erit labor, & sutura ipsa corrumpetur, sed spasmus etiam dolorque intensissimus augebitur.* Observetur id quoque, si particula deerit, aut ab aëre alteratio jamjam facta. Nam ab aërea alteratione occultè sanies est generata, quæ digestionem c. abstersione maximè proclamat. Quoad figuram denique vulnera evadunt magis minusvè periculosa. Et quemadmodum angularia, vel fibrarum ductus sequentia, facilioris sanationis existant: ita rotunda & in orbem vulnera pejore semper sunt conditione, ob difficillimam unionem ac consolidationem, quam præstant. Imò eò majora semper censentur vulnera, quò extrema ipsorum & labra longius sunt à se ipsis diffusa, quod præpribus sphæricis vulneribus contingit.

§. XXVI. Propositis primariis, progressum facio ad causas secundarias, ob quas difficilis sèpè quæstio inter Medicos & Jure-Consultos est habita. Has etiam sanationem vulnerum difficillimam reddere, neminem fore negaturum existimo. Fatetur id quoque Hippocrates Latinus, *Cornelius Celsus*, quando L. 5. C. 26, ita loquitur: Confert etiam aliquid & ætas & corpus, & vitæ propositum, & anni tempus: quia facilius sanescit puer vel adolescentis, quam senior: valens, quam infirmus: neque nimis tenuis neque nimis plenus, quam si alterum ex his est: integri habitus, quam corrupti &c. At verò cum inter, ad sanandum difficultia, & lethalia, vulnera magna adhuc occurrat differentia, videbimus an, & quomodo lethalitas ex his judicanda veniat. Et primò se sistit dispositio s. **Conformatio corporis nativa;** ubi in uni-

universum ignorandum non est, in vulnerationibus omnino ad eam maxime respiciendam, lethalitatisque formalitatem exinde quoque concludendam esse. Finge, natura debilem atque infirmum, gravi baculo vel gladio fuisse percussum, ex quo percussus brevi post mortuus est. Cadaver à Medicis inspicitur, ac de vulneratione renunciatur, ictum per se non esse lethalem, si homo robustus eum capite vel corpore exceperit, ast in hoc homine, quia tenerrimæ fuit constitutionis ex percussione mortem fuisse secutam; queritur an vulnus hoc in se fuerit lethale, quod sanè *in hoc individuo omnino ita videtur*: quia inter percussiōnem & mortem nulla alia causa intermedia intercesserit. In talibus enim subjectis non in genere de Lethalitate judicatur, sed quomodo illa in hoc vel illo individuo se habeat. Sic quoque Facultas Medica Lips. d. 7. Jul. 1668. respondit: *Indem der Status Controversiae, & Nervus eurer Frage anzo nicht ist: Ob die Vulnera ventriculi in genere lethal und tödlich/ sondern primum darüber zu judiciren: Ob die von Euch beschriebene/ und diesem individuo beigebrachte Verwundung des Magens/ vor tödlich zu halten sey?* Idemque repetitum d. 14. Sept. 1668. in literis Resp. ad Scabinos: *Sondern die Frage ist izo in specie, nehmlich ob diese ißige und diesem Individuo zugefügte Magen- Wunde/ und zwar/ wie sie bey der Eröffnung ihrer Qualität/ wie auch denen strack's darauf erfolgten Zufüllen und fläglichen eventu nach/ beschrieben werden / pro simpliciter & absolute Lethali zu halten sey?* *Welsch. de Vuln. Leth. p. 105.* & cog. quod observari etiam voluit *Zacchias Quest. Med. Leg. L.5. Tit. 2. Quest. 2.* quando hanc adjecerit limitationem, nisi infirmitas esset omnino lethalis, & quasi desperata. In qua tamen circumstantia Medicos cautos esse decet, ne temerè in rebus verisimilibus, Autoritate sua pro veris statuendis, njmis sibi placeant.

§. XXVII. Idem judicium esto de ætate. *Quis non intel- ligit, juvenem aut virum vulnus magnum facilius sustinere, & Symptomatibus supervenientibus, resistere posse, quam infan- tem, puerum aut decrepitum senem?* Juniora enim subjecta ob summam partium mollitiem ac tenuitatem, ad vulnera ferenda

minus adæquata existunt. Et quid magis solenne est, quām ut levī ex ictu horum Calvaria non solum deprimatur, sed ipsa quoque cerebri substantia læsa cum meningum vasculorumque sanguiferorum dilaceratione appareat, qui tamen ictus viro robusto illatus, lethalis esse non solet; quis verò vulnus hoc infantis mortiferum, per Accidens dixerit Lethale. Quod & statuisse videtur ex JCtis Damhouder in *Prax. rer. crim. Cap. 77. inquiens*: Si denique quispiam vulneraret infirmum etiam citra læsionem lethalem, vulnerator reus esset, (si iste moreretur) homicidiū, non secus, quām si validum aliquem vulnerasset. Idem sentendum, si decrepitus senex vulnere non lethali perierit, attendendum enim, an in ipso senis corpore talis extiterit læsio, quæ sanari non possit, & vulnus erit lethale dicendum, an vero talis læsio non reperiatur, homo verò senio jam confectus, nihilominus mortuus sit, & vulnus per accidens lethale judicandum, id quod Excell. Bohn. in *de Renunc. Vuln. p. 15. ex Fieno* illustravit. Docuit & hoc Hipp. dicens: Species hominum & ætates debere esse cognitas.

§. XXVIII. Possent plura hac de re dici, sed properandum ad res seu causas magis præter naturales: ut pateat, an & istæ symbolam suam ad lethalitatem conferant. Et sistunt se pri-mò morbi antecedanei & combinati; de quibus *Fort. Fid. de Relat. Medic. L. IV. Sect. 2. C. 8.* ita inquit: Finge in male habito corpore, ac pravis humoribus referto, cujusmodi sunt cache-ctici, elephantiaci, lue venerea laborantes, hydropici, phtisici ac similes alii, infligi vulnus: non illud quidem in principe particula, sed planè in carnosa, & periculo minimè exposita: nemo ignorat, quām sæpè accerrimi dolores, magna inflammations, febres, convulsiones, pravaque alia Symptomata ex-citari inde soleant: Quod si igitur ob atrocitatem horum symptomatum mors tale vulnus excipiat, quomodo lethalitatis quæ-stio erit formanda ac resolvenda. Examinandum puto ante-omnia periculum seu gravitatem & levitatem vulneris, dum leve & exiguum vulnus, si quando exitium affert, nequaquam mortis causam sui ratione præstitisse putandum est. Eandem sententiam tulit *Manardus*, sexto Epist. Lib. Ep. I. cum cuidam, duo-

duobus in capite acceptis vulneribus, altero supra supercilium sinistrum, altero prope suturam coronalem, in quo exigua calvariæ pars tantum erat detecta, nihil passa præterea, interiisset: Credendum est, inquit, ea accidentia, quæ octavo & duodecimo die evenerunt, & subsequenter mortem ipsam, quæ ex illis est subsecuta, non magnitudine vulneris, sed malitia potius humorum & capitis debilitate contigisse: dum dyscrasia talis humorum, Cachexia, partis læsæ imbecillitas, causæ per Accidens, non effectivæ pronunciari debent. Idem sentit *Zacchias Q. Med. Leg. Cons. 55. n. 10.* ibi: Mors in corpore morbo in vulnere alias salutari adveniens, ex culpâ vulneris primariâ evenisse, dicenda non est.

§. XXIX. Contraio vero modo res hæc deciditur, si vulneris gravitas ac periculum evidens ac inseparabile, mortis causam manifestaverit: tunc sanè nec pessima humorum qualitas absolutam lethalitatem impediet. Nihilominus tamen si prava talis humorum constitutio ita constituta sit, ut inevitabilem causalitatem asserre possit, tantum abest, ut aliquid lethali deroget, quin potius illam contrahat: quale exemplum contigit Lipsiæ ubi Fac. Med. ita respondit. P. P. Haben wir doch nach beschœhener Eröffnung das cranium ganz und unversehrt auch keine rupturam vasis alicujus in panniculis cerebri gefunden dannenhero denn (NB.) vermutlich daß zwar das Schlagen vor sich alleine und absolute nicht tödl. doch hierdurch eine Zerrüttung und Erschütterung des Gehirns und durch diese ein Zufluß böser Feuchtigkeiten verursacht worden darauff nicht allein eine Zuneigung zur schweren Noth sondern auch weil durch materiam affluentem der Eingang der Nerven verstopft worden der Schlag und also die Tödtigkeit erfolget welches denn NB. in einem ungunden und unreinen Körper leicht geschehen können. Anverro percussor poenâ ordinaria afficiendus sit, ad J. C. potius remittitur tribunal. Nudis etiam conjecturis, & quidem super absolutè dubiis opinionibus fundatis, cavere debet Medicus, ne reum frivolè gravet, & judicem aut perplexum

reddat, aut injustum. Alium fingo casum, ægroti cuiusdam, cuius caput insigni tumore erysipelaceo tumeat, vulneratur, caput iētu non periculoſo, diſparet iſte tumor iterum, & retrocedit quacunque ex cauſa, breviq[ue] inſequitur mors, quis verò vulnus hoc affirmit lethale, dum hic non ex vulnere, quā tali, ſed ex pravæ materiæ ad partes nobiliores retroceſſione interiit, qualia exempla quotidiana docet experientia.

§. XXX. *Aëris temperies* quid ad vulnera augenda confeſſat, tonsoribus non ſolum notum eſt, ſed illa ſæpius in gangrenam faceſſere, ægri ipſi quoque ſuo cum danno experiuntur. Quæ reſ etiam ne ſine Autorum fide pertranſeat, nonnulla ex multis afferam loca, quæ hanc ſententiam conſirment. Sic *Dalechampius* in Gallica ſua Chirurgia, inter ea, quæ ulcerum ſinatōnem impediunt, non omiſit illam, quæ ab aëre, pelliſentiæ ſeminibus inquinato, advenit, cauſam communem. Diſicerat, inquit *Pareus à Magistro Hippocrate*, mutationes temporum potiſſimum parere morbos: & legerat apud *Guidonem*, hanc maximè cauſam exiſtere, cur vulnera capitis Lutetiæ, crurum vero Avenione, curatu & ſanatu eſſent contumacioſa. Idem *Pareus de Renunc.* affirmat, illis tempeſtatibus, quæ in obſidione *Rothomagensi* & agro *Dyonyſiaco* ſæviebant, ſeu propter cœli & aëris vitium, ſeu propter corporum, cacochymiam & humorum perturbationem, omnia ferè vulnera ſclopetis inſlicta fuile lethalia. Sufficere hæc poſſent, cum omnia de ſuo effectu, ſatis, opinor, teſtentur. Unicum tamen hoc, quod tanquam ſingulare *Marc. Donatus* obſervavit, & *L. de Variolis C. 2. insertum* reliquit, addere lubet. Agitur, inquit ille, jam quartus vel quintus annus, quod in civitate noſtra *Manuana*, quicunque in capite vulnerabatur, licet leve admodum vulnus iſpis inſlictum eſſet, quovis administrato auſilio ſanari minimè potuerant, qui tamen influxus poſt tertium vel quartum annum penitus abolitus fuit, ita, ut nunc ferè nullus, eadem in parte ſauciatus, moriatur. Et quid opus, ut aliundè teſtimonia colligere ſtudeam? Nonne apud nos ſingulis ferè annis puerilia exanthemata & variolas, velut contagio-ne

ne quādam pestilenti, sed diversā tamen puerorum pernicie, currere notamus. Imò id quoque novimus: plagas capitis apud *Germanos* minus esse lethales, quād apud *Hispanos & Italos*, utpote calidiores regiones inhabitantes, quia nobis fortean aër crassior, illis verò subtilior existat, sicque in sedem sauciata magis se ingerens.

§. XXXI. Sed properandum ad reliqua, & videndum: quid lethalitatis *ex concursu Symptomatum* concludere liceat, dum quæstio oritur, an vulneratus ex *vulnere* an *Symptomatibus*, sit mortuus. Evidē negandum haud est, non antiquis solū, sed nostris etiam temporibus magnas proptereà gravesque, controversias excitatas fuisse, & adhuc hodiè incomprehensibile fermè inter plerosque tum Medicorum tum JCtorum, sub Jūdice pendere litigium. Verum, huic difficultati multum decedet, si modò genera horum Symptomatum, quæ vulneratis accidunt, probè distinguamus. Alia enim *ex vulnere ipso*, ut tali, & à parte lœsâ immediate emergunt: alia aliā extrâ vulnus causam agnoscunt: alia indifferenter quasi se habent, h.e. partim à vulnere, partim aliunde & accidentaliter eveniunt. Pertinent hūc simul ea omnia, quæ circa ægrum à principio vulneris ad vitæ finem acta sunt.

§. XXXII. Examinemus hæc breviter. Et ut omnia fiant perspicua, fingamus ægrum ictùs violentiâ perculsum, qui præceps in terram labitur, cum subsequente vomitu bilioso, cum vertagine & caligine oculorum, cui sanguis è naribus & oculis manat, accedit delirium cum abolitiâ memoriâ & sensuum stupore. Rursus aliud, qui accepto vulnere torporem sensuum ac Spirituum persentiscit, vexatur lethargo, cum motu corporis sublato, imminutione sensuum, hemiplegia lateris sinistri, Apoplexia, stertore, difficultate respirandi, spumescientia salivæ &c. aut vulnus ventriculi, quod singultus nausea & vomitus, affestus item soporosi, epilepsia comitantur & ad mortem usque persistant: quæritur nunc, an ex vulnere, an symptomatibus perierit æger, Resp. Si symptomata inseparabilia vulneribusque his propriissima judicentur, aut si cum ipso vulnere proveniant,

& ad ultimum vitæ terminum perdurent, ægrum etiam ex vulnera absolutè lethali interiisse judicari, præsertim si post sectionem causæ reddantur manifestissimæ. Porrò, si magnum in articulo vulnus accipiatur, quod & tendines nervosque ac vasa se cœrit, aut etiam dilaceravit, quamquam illud per se lethale non sit, quia tamen periculi plenum est, & nulos errores impunè admittit, atque exactissimam exigit curationem, omnique cura & studio absolutam, nec languentes tam exquisitam vietus rationem servare ubique possunt; ideò si quis intereat, minimè errabis, inquit *Fort. Fidel.* si vulnus mortis causam præstitisse referes nisi tamen notabilis error in Curatione commissus sit. Et de absoluta lethalitate non sit quæstio.

§. XXXIII. Dantur deinceps symptomata, quæ vulneratis non semper superveniunt, sed ex alia causa propria, originem suam trahere videntur, quæ deinceps pro morbis distinctis à Medicis communiter habentur, qui nihil cum vulnero habeant commercii, & per consequens, ex his si pereat æger, non ex vulnero sed ex morbo periisse putant. Possem hæc iterum illustrare exemplis: sed pro me rectius doctissimum *Fienum p. 54.* ita loquenter adducam: Si quis, inquit ille, Iæsus in ventre, & supervenit Apoplexia, & vulneratus esset senex, probabile esset, illam apoplexiæ ortam esse ex propria causa ac dispositione cerebri, & non ratione vulneris illius, quia talis morbus non est natus, sequi tale vulnus, & verosimile est, talem apoplexiæ eventram fuisse, etiam si vulnus non fuisset inflictum, & proinde non vulneri, sed apoplexiæ est imputenda mors. Sic si quis in capite vulneratus esset, & superveniat phlegmone, indeque gangræna in pede, ex qua mors sequeretur, tum censendum esset, illum non ex vulnero, sed ex alio morbo, qui fortuitò supervenit, mortuum esse.

§. XXXIV. Sunt denique symptomata, quæ ad vulnus non minus ac alias causas referri possunt. Talia sæpe non nihil difficultatis nobis parere videntur, e. g. si quis ex vulnero capitis cæsim inficto cum manifesta vel minus notabili Contrafissura superveniente pleuritide post tertiam demum vel quartam septimanam moriatur: aut si quis tendonum & nervorum in artibus dilata-

dilaceratione ob deliria, motus convulsivos, aliosque atroces affectus per consensum generatos mortem patiatur. Hæc symptomata, quanquam mortifera eveniant, de absoluta tamen ejus lethalitate ambigere quis possit; cum tales regiones læsæ exteriores Chirurgiæ locum concedunt. Dicunt ergo nonnulli: si à principio semper vulnerati habeant deterius, vulnus fuit mortis causa; sin melius quandoque habeant, deinde moriantur, aliis causis mors debet adscribi. Sed falsum. Nam multæ ac graves dantur ægritudines ac præsertim malignæ, quorum aliquando sævities intermittat: mortem tamen propria magis naturâ afferrunt. Quid? quod remitti aliquantum citoque rufus ex intermissione invadere, malignitatis proprium esse indicium scribit *Galenus 1. Epid. 2. Com. 25.* Id tamen inconcussæ manet veritatis, judicium horum vulnerum interdum esse difficile: & ut anticipitem quasi habent naturam, ita anticipitem quandoque præbere sententiam: nisi ex diligentí attentione eorum, quæ tām ratione diætæ, quam Medici & Chirurgi, solertiæ ac scientiæ, cum vulnerato acta sunt, omnibusque collatis inter se tandem appareat: an ex naturâ vnlneris ipsius, an aliundè mors successerit. In dubio verò, mitior sententia præferenda est.

§. XXXV. *Dietam* in cibo & potu ad sanitatem vel restaurandam vel destruendam plurimum conferre, extra omnem dubitationis aleam est ponendum: siquidem à vietu pleniore, potuque vini generosioris, *Febres, exæstuationes*, aliaque mala gravissima accenduntur, quæ mortem ipsam inducere possunt. Id si tales errores præstant in sanis, quid non præstabunt in vulneratis, dum levi saltim ex causa, inflammationes, aliaque vulnerum symptomata, accelerantur. Et profectò, culpa vulneratorum sat gravis est, si nimis cibo & potu, ad ebrietatem usque, se ingurgitent, si tabernas frequentent frigidas, si cibo potuque uitantur prohibito, frigido præprimis. Tristia horum exempla qui desiderat, adeat *Ephem. Germ. Dec. 3. anno 1. Obs. 98. & Dec. 2. anno 9. Obs. 39. anno 9. Obs. 20. & alibi*, ubi ex potu frigido mors fuit, subsecuta.

§. XXXVI. Nec prætereunda sunt *animi pathemata*, quæ pariter magnas in corporibus excitant turbas, multorumque &

non levium affectuum occasiones præbent: Quatenus omnes humores, eorumque motus, rapido ac violento impetu modò revocantur, debilitantur & extingvuntur, ut exhausto vitalis humoris perenni fonte, per præcipitem virium omnium lapsum cito mors & inopinata veniat. Cujus rei fidem quotidiana ferè facit experientia. Sic refert *Guilielm. Fabric. Hild. Cent. 1. Obs. 17.* de vulnere capitis, cum cranii fractione, quod ad suppurationem feliciter perduxerat, remotis omnibus symptomatibus: Elapso vero decimo quarto die, æger irâ commotus, recidit in febrem ac phrenesin, ita, ut quarto post die, è vita decesserit. it. *Obs. 18.* de arteriâ desuper musculo Crotaphite incisa, & penè sanata, quæ ex animi commotione, summo cum vitæ periculo iterum fuit rupta. Similis Tragoediæ recordatur *Johannes Matthæus in Cent. Difficultatum Medicarum Quest. 37. p. 81.* Vidi, inquit, in Aula Illustr. Princ. Ern. Frider. Marchion. Badensis: Cum enim ejus Celsitudinis Cubicularius Johan Beckler, juvenis plethoricus, gladio obtuso, ut esse solent, quibus pugiles se exercent, ab imberbi adolescentे in palpebra inferiore leviter contunderetur, ira & indignatione percitus, ægerrimeque fersens, quod à puero & discipulo suo vinceretur, in gravissimam convulsionem epilepticam incidit, quæ quatuor vel quinque horarum spatio vitæ finem fecit. Quodsi plures casus eorum, qui ob consimiles animi motus derepente vitam finiverunt, recensere vellem, actum omnino agerem. Tales verò mortis causas nihil absolutæ lethalitatis inferre, illustrat *Thomæ Barthol. obs. quæ continetur in Act. Med. Hafn. Vol. 1. p. 86.* ibi: In supremo Justitiæ Tribunal Hafniæ 1672. causa ventilata fuit mulieris otthinianæ, quæ à judicibus inferioribus rea judicata fuit homicidii, quia alapam ancillæ dedit, quæ exinde irâ jefervescens, quinto die fatis cessit. In supremo vero judicio absoluta fuit matrona honesta, prudentissimis Patrum conscriptorum calculis, & Regia sententia definitiva, eð, quod non alapæ vi, sed malo animo & iracundo, mortem ipsa sibi conciverat, impotens sui ancilla.

§. XXXVII. Judicatur denique Lethalitas ex ipsa Medici
&

& Chirurgi solertia & doctrina : si Symptomata præsentia aut supervenientia, qualia sunt inflammations, febres, deliria, convulsiones &c. tempestivè non tollant, aut saltem præcaveant ; si in ipsa vulnerum tractatione non rectè se gerant, aut nova operando Symptomata inducant. Sic culpa Medici fiunt lethalia, si facultates medicaminum aut planè ignoret, aut fallacia, periculosa, minusque experta adhibeat. Chirurgi vero cum vulnus spernit, & non magni ponderis esse putat, sicque non agit, quæ in artis potentia sunt ; Si venam planè non, aut minus tempestivè tundat, si hæmorrhagiam non suppressimat, fragmenta ossium atque heterogenea non removeat, sanguinem extravasatum, vel consultò, vel negligentia, vel ex defectu instrumentorum, vel hujus ἐνχειρήσεως ignorantia, non educat : quod tamen absolutæ quandoque necessitatis est : si evidenter nimurum constet, sanguinem inter Cranium vcl utramque meningem esse collectum, qui posteà putrefieri incipit, tardius & citius, secundum quantitatem sanguinis & etiam secundum locum. Si enim inter cranium & duram matrem , tardius veniunt accidentia, quam si inter duram & piam , & tardius inter piam & duram , quam inter piam & cerebrum ; Talibus casibus, tuto possumus devenire ad hanc operationem, utcunque periculi non experientem ; cum alioqui nullo adhibito remedio, certa mors immineat, atque ex Celso, præstet anceps remedium experiri , quam nullum, impiumque sit relinquere ægrum remediis destitutum, Tandem accedit ejus stupiditas atque imperitia, qualem describit *Forestus Lib. VI. obs. Chirurg. VII.* imperitus quidam Chirurgus, omentum ex vulnere abdominis propendulum sine ulla ligatione abscederat, non multis post diebus vulnerato mortuo, & sanguinis, profusione, & omenti putrefactione. Tale quoque exemplum refert *Bonet. in Anat. Pract. L. 4. Sect. 4. Obs. 18.* quidam, inquit, musquetum exoneraverat, crepante tubo, pars ejus, sex longa pollices, sesquidigitum lata per narem ultra auriculam sub pericranium ipsi adacta ; quod cum Chirurgus, & senex non animadvertisset, narem genamque contiguam consuit, ferro secante intus relieto : dum ille medetur, quoties faciem, tangit,

tangit, sanguinis plurimum, ferro acutissimo carnem sc. scindente, emanabat. Nono die mortuus est. Sectis a Chirurgo suturis, cum illum rasořii apicem frangentem viderem, ad motis digitis, ferrum adduco. Hunc educto ferro, curari potuisse certissimum est, insano enim dolore, & nimia hæmorrhagia enectus est. In his ergo si peccent Chirurgi, sive omittendo, sive committendo, ipsi vulneri mors subsequens imputari nequit, sed Medico & Chirurgo. Declarat hoc etiam per plura exempla ex *Fieno Excell. Bohn. in Renunc. Vuln. p. 127.* Contrà verò, si juxta indicationes debitas, methodumque medendi genuinam, acta fuerint omnia, nihilominus tamen citrà optatum successum, spes vitæ decollat, neque ultra sphærā artis quicquam ullo jure postulari poterit à Medico & Chirurgo.

§. XXXVIII. His ergo ad hunc modum constitutis, non erit admodum difficile in contexendis apud Judicem renunciationibus, Prognosin seu judicium ferre, de eventu læsionis ac Lethalitatis formalitate. Sed cum Medicus non minus ac Chirurgus, non mortuo solùm sed vivente adhuc ægrotante, haud rarò harum illarumve partium læsionem, vulnerisque periculum dicere teneantur, *de Vulnerum diagnosi* breviter dicere operæ præmium pariter, ac necesse esse existimo. Id autem boni ac prudentis Chirurgi erit officium, ut de præsenti discriminine, & antiqui vulneris statu callidum se præstet ac ingeniosum, ne exigua vulnera minus periculosa, magna verò mortifera statim judicet, in ignorantiae aliás notam, famæque periculum certo certius incurret. Ergo nosse debet, quæ vulnera magna habenda sint.

§. XXXIX. Quoad externam faciem vulnera quidem iudicatu sunt facillima, & inanem ludorem operam, si recensendi eorum signis diagnosticis diutius imorari vellem, cum ipsa insensus incurvant. Quodsi vero in capitis, thoracis vel abdominis cavitatem penetraverint, ea non nisi sagaciori conjectura & accurationi Medici iudicio sciri poterunt: sagacissimum siquidem non rarò fugiat artificem, quæ partes internæ vulneratæ sint, & quo usque vulnus penetraverit, nisi anatomiae fundamentis probè sit innutritus, & cuiusvis partis situm usumque probè teneat per-

perspectum. Tale enim scrutinium, scientiâ anatomica & diligenti partium actionum lœsorum nec non excretarum examine unicè nititur.

§. XL. Cognosces itaque *Cranii* insignem fracturam, si æger ab ictu concidat, si sine sensu quasi dormiens jaceat, si excrementa præter voluntatem reddat, si vertiae corripiatur, si ipsi per nares, aures, osve sanguis effluat, si vomitus biliosos sentiat, si ab admotis digitis ipsum vel elevatum, vel præter naturā depresso intelligas: ipsorum vero fragmentorum præsentiam, febris, vertigo tenebricosa, scotomia, dolores acuti, vomitiones, sopor, torpor, paralysis, delirium &c. indicare solent, nisi testæ instar figulinæ fractæ, sonitu ista percipientur. *Cerebri membranarumque* vulnera, si sanguis per nares, interdum etiam aures exeat, si sensus obtusus, vultus torvus, oculi quasi resoluti appareant, aut huc vel illuc moveantur, aut cum caligant & obscurantur oculi, vel aures obscurdescunt, accedit febris continua cum delirio, phrenesi, dolore capitis enormi, qui adductis maxillis exacuitur, ventriculi nauseam, vomitu ac singultu, & quæ sunt plura alia Symptomata. *Commoti cerebri signa* dat ipse Hippoc. 7. aph. 58. inquiens: Quibus cerebrum concussum fuerit ex aliqua causa, eos statim voce privari, necesse est: ut & Galenus: eodem modo apoplectici, sine omni motu ac sensu prosternuntur. *Arteriae tracheæ* gravia vulnera, & gulae, cognoscuntur ex functionis utriusque partis abolitione: dum nec loqui, nec cibum potum vé deglutire valent, dolor ad dorsum percipitur plurimus, fauces cum sanguine replentur, è larynge cum assiduâ tussi sanguis excluditur, flatus spiritusque per vulnus erumpunt, vox adebet rauca, linguæque ariditas.

§. XLI. In *Thoracis* cavitatem penetrasse instrumentum intelliges, si aëris cum strepitu per vulnus erumpat, cum dyspnœam, doloreque diaphragmatis tensivo, si sanguis ipse per vulnus ab ægro tussiendo rejicitur. Ne vero judicio tuo decipiaris, probè notandum venit, quod habet Columbus L. XV. de Re anat. p. m. 488. Pulmonem, ait, in pluribus pleuræ connexum vidi, nunc in altero latere, nunc in utroque: atque hæc pulmonum

E in

in nonnullis cum pleura connexio, in causa plerumque est, ut
 Medici decipientur, penetrantia thoracis vulnera nequaquam
 agnoscentes: quippe qui hoc Chirurgorum axioma putent,
 omne thoracis vulnus penetrans, extrà spirare: at hi, quibus
 hæc pulmonum connexio cum membranâ succingente contin-
 git, possunt vulnere thoracem perforante laborare, neque ta-
 men respirare vulnus cernitur. Ipsos pulmones vulneratos
 cognoscet, si sanguis cum spumescientia, colore magis rubro,
 vulnera ac ore prodeat; si spiritus sono feratur cum insigni dif-
 ficultate respirandi, tussi laterumque dolore. *Cor* vulneratum
 apparet, ex ingenti sanguinis copia, quæ per vulnus erumpit,
 cum corporis totius tremore, pulsu languido & parvo, faciei pal-
 llore, sudore frigido, cum frequenti Syncope, extremorum ar-
 tuum perfrigeratione ac præpropera morte. Pertuso *Diaphrag-
 mate*, gravia statim se associant symptomata, deliria cum dyspnœa
 & tussi, respiratio est magna cum gemitu & doloribus a-
 trocisimis per totam humeri partium, iliorum & spinæ com-
 pagem. *Hepatis* vulnera, copiosum sanguinem sub hypochondrio dextro profundunt, pallidæ ægrotus, tussit, febricitat, do-
 lores persentis ad jugulum usque, & quæ sunt alia. Per vul-
 nera ventriculi cibus potusque non solùm effluit, sed singultus
 quoque, bilis vomitus, citò insequitur, convulsiones, sudores
 syncoptici, & tenues oriuntur, per quos extremæ partes fri-
 gescunt. Percusso liene sanguis à sinistra parte prorumpit niger,
 præcordia cum ventriculo ab eadem parte indurescunt ac do-
 lent, sitis ægrum divexat &c. Vulnerata *intestina*, odore, pro-
 prioque dolore statim se manifestant, ipsæ quoque fæces
 per vulnus effluunt. *Renes* vulnerati dolorem ad inguina diffun-
 dent, urinam verò vel planè non, vel difficulter, vel cum
 sanguine excernunt. *Vesicæ & ureteribus* vulneratis, dolor ex
 inguine ad ilia ascendit, pubis regio inflatur, urina cruenta ex-
 cernitur, eademque sæpè etiam per vulnus redditur: Superve-
 nit quandoque singultus & vomitus. *Uterus* affectus si non ma-
 jora, eadem tamen infert symptomata, sanguisque simul per
 genitalia effluit. Ex *Vena Cava, & Arteria Aortæ* vulneribus,
 subitò

subito ægrotantes pallent & promptissimus est interitus, propter rapidam multamque sanguinis vitalis evacuationem, quæ cordis pariter ac pulmonum motum in momento quasi destituit. *Medulla* tandem *spinalis* læsa, gravia excitat symptomata, *paralyses*, nec non *Convulsiones* subitaneas, partes subiectæ sensu omni motuque statim privantur, vesicæ & alvi excrementa vel præter voluntatem fluunt, vel omnino cohidentur. Et quis omnia enarrare potest symptomatum genera?

§. XLII. Hæc ferè sunt signa, ex quibus insigniter vulnerata pars, etiamsi abscondita, haud difficulter cognosci potest. Cave tamen putes: certa hæc certis partibus assignata symptomata, læsionem factam, ea statim omnia, ordine recensito, sequi debere: falleris si credas; prout enim major vel minor, levior vel profundior læsio contingat, sic majora minorave accedunt symptomata, nunc conjunctim, nunc sigillatim, pro alia atque alia vulneris, subiecti, loci, & aëris, constitutione. Hæc autem si minimè appareant, nec illas percussas esse, certò affirmabis. Nunquam tamen suaserim, ut in judicando nimium sis temerarius, h. e. certò & infallibiliter sententiam vitæ & necis dixeris: fiunt namque & hodiè adhuc monstra in medicina, & versa vice, levissimæ primo intuitu læsiones, à symptomatisbus horrendis, sæpiusque morte ipsâ, præter omnium opinionem, excipiuntur.

§. XLIII. Ne itaque impingat heic Tyro Medicus, turpiterque se in renunciando cum barbitonorum & balneatorum ignara concione det eruditis, distinctiones vulnerum probè perspectas teneat necesse est, ut Lethalia à non-Lethalibus, fababilia ab insanabilibus & periculosis, judiciose sciat distingue-re. Olim enim plura lethalia vulnera nominabantur, quam hodiè, ubi dies diem docuit, & vulnera quædam, tot retro seculis pro lethiferis habita, nunc nonnisi certis positis circumstantiis fieri mortifera. De quâ re, quoniam multæ diversæque hodiè sententiæ circumseruntur, præsentis mei instituti ratio adhuc requirit, paululum his immorari, ut, quid verè sentiendum, & quale præcise vulnus lethale dicendū, palam fiat. Et ne temera-

rio ausu remis velisque destitutus arduum hoc negotium auspicter, aleamque subeam periculosam, ad tria, situm, connexio nem & usum partium internarum, semper respiciendum erit. Sic facile postmodum ex vulnerum magnitudine ac profunditate, partisque laesae necessitate ad vitam, & symptomatum concurrentium atrocitate, periculum pronunciari poterit.

§. XLIV. Lubet hac ratione initium facere à Capite. Hujus vulnera diversum planè quid ac peculiare, à plerisque aliis præ se ferre, multijuga Chirurgorum testatur experientia. Quapropter rectè statuit Hippocr. Lib. de *Vuln.* Cap. I. Nullum vulnus capitis leviter contemni debere, quod *Fort. Fid. L. 4. Sect. 2. C. 6.* repetit, dicens: Capitis vulnera suā naturā nequaquam tuta esse. Et profectò vix cutem quandoque penetrasse visa sunt vulnera, post aliquot dies interemisse ægros, frequens loquitur observatio: imò dubitantem docebunt Exempla, quæ Bonetus *Auat. Pract. L. IV. Sect. 2.* recenset, qui videri poterit. Ea quoque verè capitatis est constitutio: ut levis cutis affectus per proximas commissuras, aut facto foramine, & subjectis meningibus, imò ipsi quoque cerebro communicari possit. Accidit & porrò, ut craniū alia parte findatur quam ubi percussum fuit, quem craniī resonitum vocamus, aut *Contrafissuram*, quam etiam *Hippocrates* infortunium appellat. Nec sine causa hoc nomen huic malo indidit Hippoc. Infelices namque satis sunt ac infortunati, qui nec ipsi sciunt, quā locō læsi sint, neque Medicus satis certus de hāc re quandoque fieri potest, nisi cum res ferè jam desperata est. Alio tempore, testante *Avicenna*, cranium abrumptur, integra cute remanente; imò observante *Celso*, tota calvaria integra manet, nihilominus vasa cerebri interiora conspicuntur rupta cum notabili sanguinis transfusione: ut propterea diligens opera adhibenda sit, si quis de mortalitate eorum judicium ferre cogatur. Sunt autem cranii vulnera & pericranii lethalibus minimè accensenda, nisi monstri aliquid alant, aut ingens cerebri commotio subsit. An vero temporum vulnera, propter *Crotaphitem* musculum, qui à pericranio tegitur, ab aliis rectè illis numer-

numerentur, inquirendum erit: Hoc tamen verum est, lata ac profunda ejus vulnera, ob vasa plurima, nervosque insignes, periculo haud carere, quin Symptomata satis atrocia, Convulsiones ac spasmos maxillæ inferioris, aliarumque partium, metuendæ sint semper. De simplici tamen ejus lethalitate ideo dubito: cum tot consolidationis ejus prostent observationes, vid. Scult. Arman. Chir. obs. 3. Glandorp. Spec. Chir. Obs. II. & 12. Borell. Cent. 2. obs. 20. Riv. obs. 19. Marchett. obs. Chir. 15. Job van Meckern obs. Chir. C. 1. aliasque plures.

§. XLV. *Fracturas Cranii, fissuras item, & contusiones, ob sanguinis extravasati collectionem, fragmentorumque secessum multum periculi fovere, nemo negabit; cum tamen istæ & perfectè saepius curentur, indifferenter lethalibus annumerari non possunt; siquidem istæ obviæ adhuc medelæ Medici pariter ac Chirurgo locum concedunt, nisi insignis cerebri commotio unà cum ruptione vasorum sanguiferorum tanquam mortis causa, cum lethalitatis Symptomatibus sese manifestent: quibus nulla ope, nulloque consilio mederi licet; aut frustula ossea ita abscondita hæreant, ut quod arripiat chirurgus nesciat.* Idem ferè sentendum de Resonitu seu Contrafissura, ubi nec oculus, nec ratio, neque manus Chirurgorum aliquid præstare valent, quicquid etiam Celsus aliquique pro detegendis illis sine omni tamen effectu proferunt, præsertim si in ipsas suturas aut musculos temporales inciderint, heic sanè minimè errabit Medicus, si ista absolute Lethalibus adscribat.

§. XLVI. Meningum è contrario vulnera per se spectata, non æque periculo exposita esse videntur, nisi partibus simili subjacentibus injuria illata fuerit: quanquam Plinius L. II. c. 37. scribat, mortiferum esse, si alterutra membranarum, cerebrum involventium, rumpatur. Praxis enim & observatio ostendit, hoc non esse veritatis perpetuae: dum necessitate sic jubente studio præmeditato ipse haud raro à Chirurgis cultelli acie felici cum successu incidentur ac aperiantur, ubi nimis sanguinis extravasati vel materiae purulentæ harum cerebrique spaciū occupantis metus subest: quā de re passim videri possunt

Autores. Ipse insuper multos me vidisse curatos memini, quibus matres ambæ fuerint sauciatae. Quodsi autem aliquando mors superveniat, ejus certe ætiologia aliunde erit petenda, vel ex vehementi cerebri concussione, vel vasorum sanguiferorum disruptione, vel sinus cujusd. harum membranarum dilaceratione aut contusione. Id si contingat, ob incompescibilem hæmorrhagiam aëtum est de homine.

§. XLVII. *Cerebri & Cerebelli vulnera*, dum sine externarum partium læsione fieri nequeunt, pro periculis quidem haberi possunt; sed an eapropter omne cerebri vulnus indifferenter pronunciandum sit lethale, nunc indigitari meretur. Sunt quidam, qui cerebrum lœsum, aut etiam ipsius tunicas, mortem necessariò consequi putant, quos inter est Hippocr. qui sic scriptum reliquit: vesica discissa, aut cerebro, aut corde, aut septo transverso &c. lethale est. Sed temperandum nonnihil erit de his, rigidius illud judicium; dum cerebri vulnera etiamnum cum ipsius effluxu contingentia fuisse tamen curata, multa adsunt autorum testimonia, vid. Diemerbr. anat. L. 3. 3. C. 5. Jacob. Berengar. celebrem olim in Bononiensi Acad. Chirurg. Profess. in Tr. de Fr. Cr. Fallop. de Cur. vuln. Horat. Augen. Fr. Arceum L. 5. de C. V. Anton. Mus. Brassavol. Ambros. Paræum, Schenck. Cabrol. Heinr. Petræum Sennert. Med. Cri. Ammon. Muralt. obs. 150. Misc. Nat. Curios. Dec. 1. aliosque; qui ex vulnerata cerebri substantia, cum deperdita quoque ejus portione sanitatem hominibus restitutam fuisse perhibent. Imò ipse virum adhuc nunc superstitem me Lipsiæ vidisse, pro vero venditare possum, qui tantam ex infortunio Calvariae fracturam passus fuerat, ut exiguum cerebri portionem in vitro quoddam asservatam aspectui omnium opponeret Chirurgus. Cerebri certè vulnera nisi profunda, dissectis vasis sanguineis, & ad ventriculos usque penetrantia, nervorumque principia ac nervos ipsos lædentia, non ex necessitate mortem inferre testatur Galenus in Comment. ad hunc Sect. 6. aphor. 18. quod lethalitatis judicium mox dein ab insigni actiōnum vitalium læsione, syncope, asphyxia, delirio, convulsionibus, paralyssi, vomitu, oblivione, sopore, aliisque, declarare possumus. Quanquam autem hoc meum assertum à nonnullis in dubium facile vocari posset, ex mirabili illa

illa, & fermè incredibili observatione *Galeni*, de *Smyrnensi* adolescenti, qui vulnus in altero anteriorum cerebri ventriculorum majusculo acceperat, & solà voluntate Dei sanatus fuerat: aut ex *Marcell. Donati Lib. 5.* de Medica Historia mirabili, C. 4. multorum vulneratorum exemplorum recensione: in quibus non solum incisi vulneratiq; panniculi, sed in ipsam etiam substantiam vulnus penetrarit, & quod mirabile est, usque ad os basilare. Ista tamen exempla inter rariora & contingentia meritò sunt referenda, à quibus tanquam naturæ miraculis & particulari aliquo ad universale inductio facienda non est: quin eadem potius in Collegiis Medicis pro absolutè lethalibus communiter habeantur.

§. XLVIII Quod de *Cerebro* dixi, debetur & *Medulla spinalis*, tam superiori, quam inferiori judicium, quippe quæ nihil aliud est, quam cerebrum prolongatum, & in ejusmodi fibrillas tenuissimas diductum, ut secundum ipsum *Galenum de Us. Part.* velut alterum quoddam cerebrum, omnibus iis, partibus, quæ sub Capite sunt. Meritò ergo, ob nobiliorem usum, inter partes resertur nobiliores, & principes, sine quibus vita simpliciter consistere nequit, quam læsâ, atrocissima statim existunt symptomata, imò quanto in *sublimiori spinæ parte acceptum*, fuerit, tanto lethalius esse hoc vulnus deprehenditur. Omnibus notum habetur Experimentum, etiam in hoc fortè apud nonnullos in usu ad necandos boves, ubi, opima taurorum corpora exiguo concidunt vulnere: Venatoribus autem ad Cervos penitus jugulandos proprium, den Genieffang appellant; Tenui namque ferro commissuræ cervicis immisso, & quidem illius articuli, qui caput collumque committit, tanta illa moles momentaneâ morte corruit. Idcirco etiam profunda hæc *spinalis Medulla* vulnera, circa ipsius imprimis originem inficta, esse absolutè lethalia, Medici unanimiter statuunt. Ea vero quæ in ipsius extremitate occurrunt circa os potissimum sacrum, lethalia non sunt; quia subinde medelam admittunt, vel præter *paralysin*, nullum aliud relinquunt incommodum. Vid. *Fallop. de Vuln. c. 12.* *Ammann. Med. Crit. Cas. 49. p. 306. seqq.* Imò quemadmo-

admodum læsio non eadem semper, sic symptomata quoque diversa notantur, uti rectissimè docet Galenus: Si Spinalis Medulla in aliqua vertebrarum integrè læsa sit, omnes partes inferiores resolvuntur, si verò in altera tantum parte, altera manente illæsa, partes duntaxat, quæ illi è directo respondent, resolutio infestabit.

§. XLIX. Ordo nunc immmediatè tangit vulnera examinanda asperæ arteriæ. Hæc quām necessaria corporis nostri pars sit, experimur omnes, dum ne momento quidem usu ejus aërem admittendi ac emitendi, carere possumus: dividiturque communiter in partem externam, quæ in anteriore cervicis seu colli parte conspicitur, & internam, quæ in thorace recondita est. Læsa ejus substantia, quæ membranosa partim, partim cartilaginea est, indifferenter mortem non infert, quanquām aliàs vulnera ipsi inficta ratione cartilagineæ ejus substantiæ, motusque ejus continui difficulter sanentur. Sic vulnera ejus feliciter curata legimus apud Paracelsum L. 9. C. 29. Testis quoque est Laryngotomia, ubi arteria eorum, qui lethali Angina soffocantur, salubriter artis lege perfoditur. Nihilominus tamen si partes cartilagineæ multum sint sauciatae, & nervi, venæ, arteriæque periculum augent, ob partis nobilioris usum destructum, respirationem maximè turbatam, denegatamque vulneris coalescentiam, non immeritò per se lethalia dicuntur, si pars inferior in pectore abscondita plagam perpessa fuerit, tunc enim omnis artis potentia ad consolidationem est prohibita.

§. L. His subjungo vulnera Oesophagi, quoniam hicce asperæ arteriæ immmediatè statim subjicitur, nec aliud postulat iudicium. Eum autem Canalis hic obtinet situm, ut vix sauciari queat, quin aliæ circumcirca adjacentes partes, medulla spinalis, arteriæ carotides, venæ jugulares, trachea, lædantur, vel similes. Quod si tamen læsio ejus contingat, superficiaria saltim, minus erit periculosa, quatenus ob fibrarum carnearum texturam quam possidet, paucos intra dies consolidationis spes iterum appetet. Et quanquām deglutitio alimentorum propter inflammationem aliquam, spasmumque fibrarum, ad duos vel tres dies impediretur,

tur, nemò tamen propterea vitam cum morte commutare tenebitur: dum morbo decumbentes haud raro per longius spatum hunc alimentorum defectum sine vita dispendio sustinere possunt. Aliter verò se res habet, si infundibulum hoc profundius, vel transversim, vel in inferiori, in pectore delitescente, parte, vulnere præprimis majore, saucietur: tunc sanè vulnera ista, ob cibi potusque transitum denegatum, vel deglutita alimenta, in aliena spatia elabentia ac putrescentia, ob medicamina applicandi difficultatem, aliaque symptomata maximoperè urgentia, per se lethalia censenda veniunt.

§. LI. Devenio nunc ad thoracis vulnera, quippe quæ cuncta, nonnisi sagaci conjecturâ, accurato medici scrutinio, & exactâ Anatomæ notitia, innotescere possunt: alia siquidem, altius penetrant, alia in ejus capacitatem haud descendunt, alia in partes usque contentas plus minus pervadunt: quo fit, ut alia Lethalia, alia non æque dicantur. Inter has partes primatum tenet *Cor*, quod Principis ad instar Vitalis Reipubl. clavum tenet, salvumque Jus vitae & necis obtinet. Hinc vulnera ejus Lethalia esse, docuit *Hippocrates*. Sed hæreo, an reliqua hujus Viri autoritas tanta etiam sit, quin dicti hujus universalitas adhuc pateretur exceptionem, cum frequentes Autorum observationes contrarium testentur. Evidem, dum scripta ejus perlustramus, ipse hâc in parte à se dissensisse videatur: quatenus τὸ lethale, (affirmante etiam *Galen* in *aphorism. Comment.*) sæpius dixit de iis, qui ex necessitate sunt morituri, sæpius autem de iis, qui magna ex parte. Sic vulnera *Cordis superficialia*, sanata legimus apud *Dolæum Encyclop. Chir. L. 6. C. 5. p. 1433. Schenck. obs. Med. L. 2. p. 225.* Quibus subjungo *Cabrolium*, qui observ. 26. refert: se in suspenso fure in basi cordis ad coronariam, animadvertisse *cicatricem*, duos latos digitos longam, testonemque ut vocant Itali, crassitie æquantem. Quid enim hoc aliud notaverit, quam *vulnus* (an *ulcus*?) consedisse, in parte exteriori musculosâ. Quid dicam de aliis observationibus ex sectione *brutorum* annotatis. Elegans sanè observatio est *D. Job. la Serre*, quæ in *Ephemerid. Germ. Dec. 2. anno 6. obs. 77.* continentur, qui 3. Mens. Maj. anno 1684. canem cultro anatomico

subjicit, remotoque sterno, globulum unum in mediastino reperit, ea in parte, ubi cum *pericardio* unitur, & alterum in ipso *pericardio*: postquam autem ad *Cor* perventum fuisset *globulum* detexit, tendinosæ cordis substantiæ altius infixam: qui canis tamen robustus, pinguisque erat. Idem expertus est Excell. *D. Christ. Joh. Langius*, Præceptor meus in vivis charissimus, nunc post obitum piè Devenerandus, in cane quodam, cuius *Cordi* aliquot globi plumbei minores (*Schrot*) à vulneribus olim inflitis relieti, carneisque fibris firmiter satis post consolidationem perfectam impacti erant. Sic in *apri* corde, globulum plumbeum, & planè carne abductum fuisse conspectum testantur aliæ: de pluribus ut nihil dicam. Illud saltem Celeberrimi Profess. *P.* cuiusdam *Rostochiens*. judicium annecto, qui his verbis exprimit: *Denn (1.) ist fahr und offenbahr / kan auch mit Bestande nicht gelehnt werden / daß keine einzige Wunde / excepto vulnera ad cordis ventriculum penetrante, an und vor sich selbst simpliciter & absolutè lethal sey; weil ich vor diesen erwiesen / und sché aniezo noch dieses hinzu / daß auch die Vulnera cordis superficiaria, neque ad ventriculum aliquem descendantia absolutè lethal seyn / wie solches mit vielfältigen Experimenten könnte probiret werden / wenn es dieses Orths wäre. An res ita se habeat: nolo hâc vice aliquid certi determinare.* Hoc tamen certum est, *Cordis vulnera etiam non penetrantia thalamos, propter impeditam ex continuo pulsū ejusque duritie coalitionem, & compagis musculosæ, vitalitatis atque activitatis privationem, plurimum lethalia utique esse existimanda, & quidem vel repente vel non ita multò post, dum ex mille vix unus ex talismodi vulnera convalescit.* Imò & hoc nos ferire non potest, quoniam partis lethalitas non ex eo, quod acciderit, sed ex regulis ac fundamentis artis judicari debeat. Clara autem res evadit, si vulnera vel *auricularum* vel *ventricularum* cordis cavitatem penetrant, ea ex sua natura atque necessitate lethifera existunt. De quibus recte Ovidius:

Afferat ipse licet sacras Epidauriū herbas,
Sanabit nullā vulnera cordis ope.

§. LII. *Palmonum vulnera*, quæ nunc exponenda se sistunt, periculo háud carere, indicat statim visceris hujus nobilitas: si quidem continuata inspirandi & exspirandi serie, toti œconomiae animali perpetuo prospicit, ob quem motum creberri-
mum duritur pulmo curam recipere solet: quod & Galenus innuit: *Membra vulnerata*, inquit, *necessæ est*, ut quiescant aliquantulum, aliter nullatenus consolidantur. Per se tamen Lethalia non sunt. Leviora enim minusque profunda, quæ substantiam tantum vesicularem dissecant, curationem sæpius admittunt, teste *Pechlino in Hist. Vuln. Thor. art. 23.* nec adeò periculosa existunt, nisi quod Phthisis ipsa facile excipiat. Sed si quæras, cur *abscessus*, *ulcera*, *putredo*, *marcor*, aliique affectus, qui partes has haud raro maximè destruunt, ac planè consumunt, hominem non æque subitò interimant, ac vulnera? Scias: recensitos hos affectus, paulatim fieri, sensim crescere, viresque acquirere eundo: quò fit, ut natura, præsertim quæ validior, & junior, eos aliquandiu sustinere valeat: vulnera verò *subitaneos* absolutos, valdeque esse violentos, qui sanguinem profundunt, vires dissipant, ipsum vitæ & pulsus principium simul ac semel destruunt. Ideoque altè nimium & substantiæ, & vasorum pulmonum pariter majoribus inflcta, venæ puta arteriosæ, vel arteriæ venosæ, aut bronchiis, in cavitatem usque asperæ arteriæ, ob insequentem incompescibilem hæmorrhagiam, cui nec manu, nec medicamentis succurrere concessum sit, aliaque lethifera Symptomata, absolutè lethalibus meritò annumerantur, neglectis omnibus aliorum relationibus, *Tulpii* nimirum, *Bartholini*, *Schenckii*, *Fallopique* &c. qui certis quibusdam observationibus opinionem hanc dubiam quodammodo reddere annituntur. Meram autem incertamque speculationem esse quis non videt; Dùm enim talia curata vulnera cultro anatomico nunquam subiecta fuerint, quomodo sanè vulneris interni profunditas accuratè discerni ac determinari poterit.

§. LIII. De *Diaphragmatis Vulneribus* quid sentiendum sit, docet ipse *Galenus*: qui dicit: *Transversi septi vulnera*, in *carnosis* quidem partibus, subinde coalescere sunt visa, ejus motu

non obstante; quæ verò in *nervosis* ejus hærent, insanabilia sunt. Sed prioris generis vulnera quod attinet: ea indifferenter pro minus lethalibus habenda non sunt, quanquam ea sanata apud *Diemerbroc. Anat. p. 422. Glandorp. Spec. Chir. obs. 27.* legimus. Sed quemadmodum vel longitudine vel latitudine variant: sic in duobus subjectis, vulnus lethale & non lethale faciunt. Si ergo talia fuerint, quæ nobilis hujus visceris functiones enormius turbant, periculum sanè magis magisque notabiliter intenditur; non eapropter solum, quod pars vulnerata in perpetuo motu existens, ob quietem denegatam consolidescere nequeat; sed ob inflammationem, dolorem, spasmodum compressivum, per quem respiratione ad tempus cohibitâ, vulneratus è vivis tollitur. Nerveo è contrà circulo inficta vulnera ab omnibus conscientiosis Medicis pro *absolutè lethalibus* non incongruè habentur: quoniam arti nullus suppetit modus, quod Symptomatum atrocitas, cor, cerebrum, totumque genus nervosum infestantium, impediri posset. Quare *Galenus* audiendus non est, qui vulnera ipsa diaphragmatis in parte nervosa semper nō esse lethalia docet.

§. LIV. Sed ut progrediar ulterius, ventris inferioris seu *abdominis* ejusque contentorum, vulnera breviter examinanda suscipio, ut pateat, quid de illis firmius concludi queat. Alia enim modo superficiem attingunt, alia intrò penetrant, alia fine contentarum partium læsione contingunt, alia eas simul graviter offendunt. Integumentorum sic dictorum abdominis, musculorum puta, vel regionis epigastricæ vulnera, minus præf. profunda, teste *Anmanno Med. Crit. Lethalia* non sunt, quod verò de tendinum, ac lineæ albæ vulneribus à plerisque Medicorum non sine ratione conceditur: quoniam ex Symptomatum vulnerationem ipsam mox excipientium indole ac vehementiâ utplurimum Lethalia fuerunt observata.

§. LV. Inter contentas partes lœfas, primò considerandum venit *Jecur*. Omnia autem huic visceri illata vulnera, ob thesaurum vitæ unicum, sanguinem sc. quem continet copiosissimum, maxime esse periculosa, nemo forte negabit. Evidem is minimè sum, qui cum *Democrito*, *Galeno*, aliisque, qui horum vexilla sequun-

quuntur, hepar sangvinis officinam esse statuam, indeque prærogativam quandam illi assignem; sufficit, totam visceris hujus compagem venulis arteriolisque copiosissimis ita esse inter textam, ut ne minima ejus pars, sine haemorrhagia laedi possit: ideoque prius interdum moriuntur, quam agglutinari vulnus possit. Interim tamen indifferenter lethalia non sunt; sed in dicenda lethalitatis sententia distinctione aliqua adhuc utendum est: siquidem non superficiaria vulnera, quæ extrebas tantum tenuesque visceris oras laedunt, illæsis adhuc vasis majoribus, sed profunda saltim, cum venæ cavæ aliarumque venarum ac arteriarum laesione, propter ingentem profusionem sangvinis, quæ cohiberi non potest, & Spirituum viriumque dissipationem, ex necessitate mortem inferunt. Hinc ad quæstionem datam, ob die vulnera hepatis, illæsis existentibus venâ cavâ, nec non vesica fellea, diaphragmate, atque intestinis, simpliciter, per se & suâ naturâ pro lethalibus zuhalten / Gratiostissima Facult. Lips. Med. ita respondit: Wenn epar absque laesione vasorum majorum vulneriret wird / so ist das vulnus nicht simpliciter, absolutè & suâ naturâ pro lethali zuhalten: Hingegen aber / und wenn die vasa majora zugleich mit verletzt werden / so ist das vulnus billig/ und zwar aus eben angeführter Ursachen simpliciter & absolutè lethale.

§. LVI. *Cavam* vero hujus partem adhuc occupat *vesicula fellea*, quæ ita absconditè residet, ut sine insigni hepatis substantiæ vulneratione vix sauciari queat. Cumque usus ejus Oeconomiae animali absolutè sit necessarius, nobilitatem quoque usus ejus simul concludere, vulnera verò semper & necessario mortem inferre, cum *Francisco Jœle*, in *Chir.* suâ, non immerito judicare nobis licebit. Et ne somnia alere videar, provoco iterum ad Casum ab Ammanno in *Prax. Vuln. Leth.* p. 253. propositum qui ibi legi meretur.

§. LVII. Idem planè judicium requirunt vulnera *lienis*; ob structuræ & actionis utriusque visceris analogiam ac similitudinem; hinc etiam alterum quasi esse *Hepar* quidam existimant. Sed quemadmodum nonnulli in excessu peccare vi-

dentur, qui *Lienis* vulnera, sua natura æque ac *Cordis*, lethalia esse crediderint; ut *Celsus*, qui dixit: vix ad sanitatem pervenire, quibus lien vulneratus: sic alii in defectu, qui usum ejus ad vitam non adeò necessarium esse, indeque integrum splenem, superstite manente vita extirpari posse, contendunt. Sed quamquam experimenti hujus veritatem non negem, insulsè tamen huc trahi illud, quis non videt; dum in extirpatione tali manu artificiosâ factâ, per vincula vasis injecta, hæmorrhagia feliciter inhibetur. Rectius ergo is judicabit vulnera, qui modo totam illius compagem ex cellulis seu vesiculis nerveis ac fibrosis, sanguine arterioso turgidis coagmentatam, cognitam probè, perspectamque habebit; sic majora quidem ac profundiora, cum vasorum majorum dilaceratione facta, ob hæmorrhagiam nullâ arte compescibilem necessariò lethalia, minora vero, minusque profunda, non æque talia esse, meritò censebit. vid. suprà citatum *Francisc. Joël. in Chir. suâ p. 14.* & *Ammann. Prax. Vuln. Lethal. p. 356.*

§. LVIII. De *Ventriculi vulneribus*, tot sibi contrariantes Autorum prostant sententiæ, ut judicatu penè reddantur diffìcillima: dum modò cum *Hippocr.* ac *Celso*, Lethalia, modò cum *Galen*, *Marcello Donato*, aliisque non Lethalia sibi conceperunt. Sed quemadmodum textura visceris hujus non eadem, sic vulnera non unius semper sunt generis. *Orificio* siquidem superiori inflatum, ob plexuum nervorum insigniorum inevitabilem transfosionem, ac symptomatum vulnus mox excipientium, cardialgiæ intolerabilis, inflammationum, spasmodicarum affectionum enormium, convulsionum, vomitus singultusque atrocitatem, semper ac necessario Lethale, cum *Galen* habetur: quod tamen de fundo ejus, præsertim quoad partes ejus laterales, semper dici non potest, dum pauciora mitioraque fauciatus percipit symptomata, vulnusque, quamvis difficulter fatis, curari interdum potest: quod iterum ex *Galen. L. 3. 3. Praet. Sect. 1. C. 15.* probo. Hæc tamen, si lata & profunda nimis sint, ut massa alimentaris unà cum medicamentis, in cayum abdominis deponatur, ob digestionem

ac distributionem chyli frustratam, & incomprehensibilem hæmorrhagiam, æque lethalia non immerito pronunciantur. Sed dices fortean, tale vulnus aliquando fuisse sanatum, quod & *Fallop. de Cap. Vuln. C. 12.* fatetur, sanavi inquit mulierem & hominem, à quibus egrediebatur Chylus & cibus. Sanavi mulierem, glan-
de percussum plumbea, ab anteriori & posteriori parte &c. quod
& cum *Cultrivoro* illo Borusso probare posses: a particulari tamen
ad universale non valebit consequentia, dum & rari, admirabili-
les, &, ut *Averroes* loqui amabat, monstrosi ejusmodi sunt even-
tus; soliusque DEI potentiae & misericordiae acceptum feren-
dum inquit *Valleriola L. 4. Obs. 10.* quod plagis planè lethalibus
vulnerati, propeque ad internectionem cæsi, incolumes quando-
que evadant. Sunt itaque ad minimum ὡς ἐπὶ τὸ πολὺ lethalia.

§. LIX. *Intestinorum* vulnera, num sint dijudicanda lethalia, meritò dubitatur; cum gravia quoque eorum vulnera frequen-
tius curari, frequentes Autorum observationes testentur. Dum
& inter vulnerationem ipsam magna semper occurrat differen-
tia, & modò tenuibus, modò crassis, modò secundum longitudi-
nem, modò transversim infliguntur. *Tenuium* vulnera, *Jejuni* præ-
fertim, ac per transversim inficta lethalia ab *Hippocr.* meritò ju-
dicantur; ob tunicae nimirum nervosæ ac fibrosæ tenuitatem,
vasorum magnitudinem, chyli affluentiam, curandi difficulta-
tem, aliaque gravissima Symptomata. Hinc vulnus illud è re-
gione umbilici ad latus sinistrum, quod cultro lato sutorio anci-
piti erat infictum meritò erat lethale: de quo *Justus Vestus P.P.*
Erfurtens. celeberr. in obs. Med. rar. obs. 10. id refert: quod ileum in-
testinum bis fuerit læsum atque vulneratum, ut excrementa
chylosa adhuc, unà cum potulenta materia in abdominis copio-
sè descendissent cavitatem. Reliquorum verò leviora vulnera,
agglutinari quandoque posse, saepius experimur. Quod si tamen
magna, & per transversum inficta appareant, tunc ob fœcum
elapasarum corruptionem ac putrefactionem, ob eandem sensi-
bilitatem, hæmorrhagiam, dolorem, curandique adynamiam, æq;
lethalia æstimantur. Et quamvis ex *Ephem. Nat. Curios. 40. 3. obs.*
176. Stelp. van der Wiel Cent. 2. obs. 25. aliisque, exempla, quibus eo-

rundem intestinorum plagæ salutares contigerunt, allegari possint: istæ tamen me planè non feriunt, dum illis propter sectionem non institutam, fides vix habenda sit; aut per singularem naturæ benignitatem, vel circumstantiam satis fortuitam, solummodo sanatæ fuerint. vid. *Ammann. Prax. Vuln. Leth. p. 307.*

§. LX. In *Mesenterii* Vulneribus, respiciendum semper putto tām ad longitudinem, quām latitudinem & profunditatem vulneris: dum totum hoc viscus copiosa pinguedine, vasorumque lymphaticorum, sanguiferorum nec non insigni glandularum serie, sit donatum. Quod si igitur sola tantum ejus substantia, cum vasis quibusdam lymphaticis lēdatur, simplex talis lēsio sauciato lethum inferre non potest, nisi plurima horum partium vasa, arteriæ præsertim, earundemque rami majores ac glandulæ simul consauientur. Tunc meritò pro simpliciter & absolute lethali habetur; non eapropter solum, quoniam partes abditæ, & in imo corporis sitæ sunt, vulnusque rite tractari, multò minus hæmorrhagia, lymphæque ad abdomen profusio cohiberi potest; sed quod cum sanguine vires quoque vitales confertim dissipentur. Nec minus periculum metuendum est de lēsō *pancreate*, *receptaculo lumbari*, *ductuque thoracico*, quorum succi ad vitam ita necessarii sunt, ut horum effluxus, non secus atque hæmorrhagia, animam eluere possit.

§. LXI. Circa *renum* vulnera quid moneam, tanti valoris non est, ut multis his immorer: siquidem horum vulnera cum antecedentibus magnam habeant affinitatem. In sola namque substantia, quæ densa est ac carnosæ, leviter acceptorum vulnerum infinita forsitan sanatorum exempla ex Scriptoribus corrade-re possem, nisi ipse consolidata observasset. Imò quid eorum inflammatione, exulceratione & suppuratione harum partium accedit frequentius, cum insigni, absque tamen vitae dispendio, fibrarum carnearum dilaceratione ac consumptione. *Majorum* tamen, ac profundiorum, ad cavitatem usque seu pelvem, pertinentium c. vasorum insigniorum sanguiferorum, quæ ex descendentibus venæ cavæ & arteriæ magnæ truncis, rami Emulgentes dictis, ad eos distribuuntur, vel ureterum dissolutione, nunquam

quam salutaria, sed semper Lethalia extitisse, penes plerosque Autorum legere vel observare mihi licuit, cum insignem talem & immedicabilem hæmorrhagiam, vel serum quoque urinosum ad abdominis cavum collectum lethales patrare posse molestias, ei ipsam partem in Sphacelum inde prolabi, rationi maxime consentaneū sit. Nec aliter judica de *Uteri vulneribus*; quanquā, num vulnerari lethaliter possit, apud illos disceptatur, qui viscus hoc non vītæ, sed sobolis procreationi destinatum esse afferunt: Sed quoniā dissectis vasis majoribus hæmorrhagiam insignem contingere, aut convulsiones cum aliis horrendis Symptomatibus supervenire cernimus, Lethalitatem ipsi denegare quis poterit: Argumentum autem in se, nullius est valoris.

§. LXII. *Vesicæ Urinariae* vulnera, ob texturam nerveam seu membranaceam difficillimæ esse coalitionis experientia edocti omnes quidem cum *Sennerto* consentiunt: qui L. 3. de *Vuln. Ves.* ita scribit: Si vesicæ corpus & pars, quæ nerva est, vulneratur, insanabile fere malum est. In declaranda tamen eorum lethalitate maximè observamus dissentientes. Si enim *Hippocr.* ejusque asseclas consulamus, Lethalia ista depredicare non dubitant; dum alii è contra non minoris fidei viri, *Kentmann. de Calc. C. II Plater. obs. p. 850. Corn. Stalp. van der Wiel. Cent. i. obs. 81.* neutiquam fatalia ea deprædicant. Sed quemadmodum ejusmodi vulnera, quoad mensuram non semper sint eadem, sic diversas à diversis oriri sententias facile mihi persuadeo. Exiguum namque carnis intervenitu coalescere exacteque sanari experientia confirmat, collumque ipsius, quod maxime carnosum est, quotidiè sanari docet Lithotomia: quâ cervix ipsius impunè discinditur, ut calculi vesicæ extrahi valeant. Latius tamen fundo inflictam, ratione singultūs, vomitūs, inflammationis ac sphaceli, vel dolorum, spasmodorum, ac Convulsionum supervenientium, vel contentæ urinæ ad abdominis cavum depositæ, si non per se, ut plurimum tamen mortem inferre posse, nemo forte negabit. Accedit & hoc, quod madeat perpetuo, distendatur, parsque sauciata ab urinæ acrimonia non parum offendatur. Historiæ verò sanitæ vesicæ, quæ glande sclopetaria erat trajecta, cultro perforata, ictu à taurò perrupta non immerito inter curationum miracula reponendæ erunt.

§. LXIII. Restat adhuc, ut vasorum, nervorum ac tendinum vulnera examinis incudi breviter subjiciam. Hæmorrhagia quippe, quæ Vulneratis haud raro accidit, ut dicatur, der Mensch hat sich verbluthet oder zu Tode gebluthet non infimum ex relatione Vulnerum occupat locum. Sæpius à Magistratu, Medico imponitur quæstio: an hæmorrhagia facta lethalis judicanda veniat nec ne? Heic ne erremus, sciamus: ad veram formalem vulneris lethalitatis rationem, vasorum ortum, ac progressum scitu summe esse necessarium: dum una eademque vena vel arteria, lacerata, propter solius loci seu situs diversitatem, pro lethifero & non lethifero judicatur vulnera. Illis equidem contrarius non sum, qui unicum lethalitatis punctum in amplitudine & magnitudine vasorum consistere affirmant; quatenus vulneratis venæ cayæ vel portæ, vel aortæ magnæ ramis, universo corpori fluido vitali necessario defraudato, viribusque subito dejectis, subitanea mors ex necessitate insequitur; sed illud saltim prætereundum non esse judico, quod & situs ad lethalitatem determinandam maximè conduceat. Nam quemadmodum majorum vasorum sanguiferorum vulnera, modo sunt in extremis partibus, jure lethalia dici haud possunt, sic minorum, profundius tamen latentium, ob incongrui situs rationem, quibus remedia congrua applicari non licet, absolutè lethalibus sine omni deliberatione accensentur. Talia vulnera lethalia sunt omnia arteriarum ac venarum jugularium, axillarum, cruralium, emulgentium, ramorum iliacorum per inguina tenditum, solum quod vinculis constringi nequeant. Jugulum enim citra strangulatus & suffocationis discrimen ardari nequit: & arctæ in hoc casu diligaturæ defectu, sanguinis lethifernm contingit pro fluvium. Sed unicum adhuc superesse videtur consilium, quod mihi opponi posset, vasorum sc. sauciatorum compressio digitis: quale exemplum recenset Rouhy sen de famoso quôdam adultero, qui ex Lue venerea gravissimâ sanguinis profusione, correptus, è limine mortis revocatus fuit, per vasos exesi compressionem, frustrâ adhibitis remediis stipticis. Et cum nullo alio cohiberi posset sanguis medio, conduxit æger suasu Chirurgi aliquot fartores vitæ sedentariae assuetos, qui alternatim ex incubiis.

cubiis sedentes, dito vasis sauciati labella comprimerent, & saluti hujus viri juxta lectum in vigilarent. Sed quamvis externis in partibus jocosam hanc speculationem prompte concederem: ubi tamen profundè nimis delitescunt vasa, pro obturandis his rivulis & occludendis, illam æque ineptam esse quis non intelligit. Ne tamen haec omnia sine Autorum fide pertranseant, add. *Resp. Med. Fac. Witteberg. d. 28. Jun. 1635.* ibi: Hierauß berichten wir fürzlich so viel: daß zwar die Vulnera arteriarum und venarum au und vor sich selbst nicht tödlich zu achten / sie seyn denn an denen Derthern / dadurch keine menschliche Hülfe das Blut kan gestillt werden. Et Lips. d. 6. Jul. 1667. als berichten wir hiermit / daß dem eingeschickten und bey denen Acten besindlichen Berichte nach / diese Wunde schlechter Dinge vor tödlich zu halten / allditweil 1. die Verwundung vasa majora, und zwar nicht allein eine venam, sondern auch eine arteriam betroffen / 2. das vulnus per transversum infligirt / indem wie der Bericht besaget / der ramus major cruralis, so wohl venæ cavæ, als arteriæ magnæ zugleich abgeschnitten gewesen / und dann 3. das vulnus an sich selbst in summo femore gewesen / als an welchem Orte die gewöhnlichen Bande und Blutsäckungen ganz unbequem / und am allerschwerlichsten bezubringen/zumahl &c. Interim sœpe, sauciata, arterias, & insuper cauterio, pessimo consilio, adustas incompescibili hæmorrhagia ægrum tandem jugulare contingit: Quæ, si tempestivè planè dissectæ, & obligatæ, fuissent, omni periculo caruissent.

§. LXIV. De propero tandem ad *nervorum & tendinum* vulnera, quæ itidem vel profundiora & majora, vel minus talia contingent. Minora sive puncturae nervorum parvitatem suam vehementiâ summâ compensare, ad eoque diversum quid, planeque peculiare à plerisque aliis vulneribus alere, vel ex eorum Symptomatibus semper atrocioribus fit evidens. Et profectò, consensum, qui mediantibus nervis contingit, omnium esse maximum, quotidianâ docemur experienciâ. Quis enim est, qui nesciat, à subtilissimis etiam, puncti ad instar ab acuto aliquo instrumento illatis vulneribus, dolores atrocissimos, spasmos intolerabiles, deliria, vigilias, febres continuas, convulsiones universales, aliaque stupenda, ac tristia semper, mala contingere; adeò, ut nisi auxilium mature feratur, actum omnino sit, de vita hominis. Ubi quidem hoc memoratu dignum est, quod puncto nervo, memorat symptomata magis magisque augeantur; resciſſo autem, quodammodo tollantur. Exempla si velis, rara ea non sunt, vid. *Paracum Op. Chir. L. 9. C. 38.* ubi Chirurgus fortè fortuna nervum pro vena punxerat. Eadem quoque naturâ & *tendines* gaudere, idem non solum vigor symptomatum confirmat, sed & tantum non omnes consentiunt Medici & Chirurgi: hinc nervi nomine, & *tendines* passim complectitur *Hippocrates & Galenus*, hicque tria nervosorum corporum constituit genera, *ligamentosum* puta ex ossibus, *tendinosum* ex musculis, & *nervosum* propriè dictum, ex cerebro ortum. Has inter partes tamen, ratione symptomatum, tanta intercedit affinitas, ut dubii quandoque in vulneribus, præf. profundioribus hæreamus: utrum nervus propriè sic dictus, an vero *tendo* potius, sit vulneratus. Sed ut & hisce tandem juxta institutum meum

satisfiat vulneribus, periculosisima illa semper quidem, nec tamen omnia absolutè & permiscuè lethalia, aestimari possunt: sed respectu lesionum ipsarum propaginum nervearum, partium quo tendunt, situs profundioris vel minus talis, aliarumque circumstantiarum modò sic, modò aliter judicanda veniunt. Quodsi ergo vulnera nervorum per ventrem medium præprimis decurrentium, intercostalium, vagi paris & Phrenicorum, quibus organa vitalia, seu cor ac instrumenta pneumatica activitate sua defraudantur, actionesque vitales inhibentur, appareant: de absoluta ejus lethaliitate quis quæsto dubitabit? Sic reliquas nervorum majorum propagines laevas propter cerebri consensum, in lethales fauciatos convulsiones conjicere posse palam est: dum raro vel nulla illis medela fieri potest, horumque Symptomata nullâ arte, nulloque consilio separare vel abigere se patiuntur. De contusione tendinum, qui dubitat, adeat *Paræum L. 9. C. I I. Caspar Baub. in Theat. Anat. Valeriolam L. 5. obs. 5. Anmann. in Med. Crit. p. 61.* cujus ultimi verba hæc sunt: die Experiens weiset / daß offtmahls durch eine geringe Wunde übern Knie propter concursum tendinum ea in parte, ein plötzl. Tod erfolget. De salute verò, quam ex futura nervorum ac tendinum aliqui promittunt, non adeò magnificè sentio, neque rationes eorum allegare heic dignas judico: siquidem non adeò promtè nervos coalescere per se sit manifestissimum, neque usus illorum defectu citra totius machinæ destructiōnem laborare sit concessum. Sed manum de Tabula.


§. LXV. Hæc ni fallor, erunt præcipua, quæ in hac nodosa ac intricata, maximeque tamen Medicis & Chirurgis commendatâ materie, circa vulnerum Lethalitatem, considerari merentur, quæ fundamenti loco in decidendis hujusmodi controversiis ad Judicis postulatum sufficere possunt. Cùm enim paginæ dissertationi huic destinatae expectatione citius excreverint, vela quoque contraho. Quodsi tamen quædam adhuc desideres, disputationem tantum, non verò Tractatum de hac materia, me promisso reputa, imò & illud perpende: Non omnia possumus omnes. Et cùm infiniti dentur Casus, quos excogitare omnes nondum licuit, infiniti esset laboris, certè ultra meas vires. Fretus interim vulgari illo: In arduis & voluisse sat est. Hæc tamen pauca, ne Cassiaro judicio relegas, sed potius æquô animô suscipias, quâ decet, humanitate expeto. Et si quid humani irrepserit, vel talia, quæ delicatorum palato minus videbuntur grata, erroris veniam ob summam materiæ difficultatem ab humanitate Tuâ mihi promitto. Tibi verò, Summo Numini, tám benigno hætemus studiorum meorum Directori, pro concessis hunc laborem consummandi viribus maximas, quas mente concipere possum, refero gratias, Tuæque Sapientiæ omnia, quæ à me unquam elaborata sunt, adscribo. Tibi porrò studia factaque mea omnia committo, hæc ita dirigas, ut iis Tua gloria, hancque subsecutura Proximi salus promoteatur unicè: sic Tibi soli laudes lingua mea cantabit in perpetuum, quando nempe gaudii cœlestis & Gloriæ Tuæ non erit unquam

F I N I S.

Clarissimo
DOMINO CANDIDATO

S. P. D.

PRÆSES.

 **N**tiqvum est Medicinæ opprobrium, quod sit *σοχασμὸν*, seu conjecturis multum laboret, è quibus, tanquam rebus solum probabilibus, conclusiones inconcussas formare, sanæ rationi aduersetur. Sicut autem nemo tam imperitus fuerit, ut universis Medicinæ considerationibus, *σοχασμὸν* præficere ausit; cum non solùm in numerosis, sed numero quoque præpollentibus casibus, non tam conjecturis, sed tam ratione, quam experientia niti possit: Aut, si vel maximè circa remotiorum causarum peruestigationem, divinationis Spiritu non polleat, id ipsi non majore jure vitio verti possit, quam Magistratui, Dei plane Vicario, interim tamen ab Hujus omniscienciâ adeò remoto, ut vel aliter, quam secundum fallacia sæpe atque defectiva testium effata & manca acta atque probata, nihil solide justi, statuere atque decernere possit: Vel *σοχασμῷ* non rarò nihilominus fallaci, speciosis suspicionibus insistendo, methodum veritatis inveniendæ, à Divina Omnipotentiâ atque Praxi longe magis abeuntem, per carnificinas atque tormenta, tentare necesse habeat: Ita nihilominus maximo plane jure atque merito distingvendæ omnino sunt ejusmodi causæ & subiecta, in quibus medicina *σοχασμὸν* suum negare aut dissimulare minime contenderit, ab alteris illis, in quibus se se melius fundatam esse, satis certo novit. Sane verò ingens est, & subinde irreparabile damnum, quod ex temeraria spe atque fiducia, in conjecturis quantumcunque etiam speciosis collocata, resultat; Imprimis quando non tam ipse eventus, talibus ausibus
G 3 in

in ancipitem casum tentandus, etiam ipse conjectura boni even-
tus palliari potest: Sed tanto magis, quando etiam certissimus
capitalis damni eventus, imò potius effe~~c~~us, ita ante oculos po-
sus est, ut unice à decisione medici, inauspicato certe in tali ca-
su conjecturis innixuri, pendeat. Certe, quantumlibet etiam
alias & multas, & fœcundas occasiones, habeat Medicus imperi-
tus, & *νατ' αμάθειαν θεασύνην*, ex imprudentia impudens & con-
fidens, graviter temeraria sua authoritate peccandi; neque cer-
tior tamen, neque gravior si p^si obtingit, quam si in Lethalitatis
violentarum læsionum determinatione, scientiæ suæ atque pru-
dentiæ nūmum tribuat, & audacia potius quam fiducia, autorita-
tem suam muniat & confirmet. Suadet certe non magis com-
munishonestas, quam meus ipse genius, atque indoles, quemli-
bet præsumere bonum, donec probetur contrarium; Et ipse ma-
xime odisse soleo levitatem, imò temeritatem, fingendi casus:
Quis autem præsumptioni illi indulgendi supereft locus, quando
contrarium probatur, & ex variis, non jam obliteranda memoria
emortuis, & pro non factis amplius habendis, sed sane longe præ-
sentioribus, exemplis doceri poteft, quantum in ejusmodi rebus
jam nescio quibus conjecturis, jam suæ autoritatis erigendæ stu-
diis, jam æmulationi atque contradicendi pruritui, tribuatur: ni-
fi quidem crudæ prorsus imperitiæ talia adscribi debeant, quod
certe neque semper fieri potest. Ibi reos conjecturis gravare;
Conjecturas ex opinionibus, & vulgo, & maximo suo merito con-
troversis atque dubiis pro rationibus ponere, figmenta casuum
ac eventuum, pro hypothesi, & ipso præsente casu assumere,
quibus nihil simile, nedum geminum unquam fando acceptum
fit: Eventus per probabilem consequentiam, pro effetti-
bus interpretari: Distinctionem lethalitatis absolutæ, peri-
culositatis eximiæ, accidentalis periculi, non applicare; Imò
iudicium suum, vel pro probabilibus reddendis, ac plane deter-
minandis, circumstantiis temere suspectis & nullo corpore deli-
eti adumbratis, non tam obfirmare, quam suspiciones de-
mum suppeditare, imò tanquam pro rationibus decidendi re-
spicere &c. singula hæc, tanto magis autem pleraq; quid sunt,
si non probationes potius, quam præsumptionesconjecturarum

pessi-

pessimarum. Ibi quidem tanto pejus est, experiri, quod homines
sæpenumero circa res longe minoris momenti, etiam frivolis
dubitacionibus, tantum sæpenumero indulgeant, ut ibi absolute
nihil certū, imò vix quidquam probabile esse contendant: E con-
tra in illis rebus, quæ vel vitam hominis concernunt, tantum au-
toritati suæ tribuant, ut vel nullis, vel alienis, vel frigidis qui-
busdam rationibus niti, non dubitent. Ut nunquam ullum
hominem in individuo, etiamsi ne quidem immeritum, stringe-
re, mei sit sive ingenii, sive moris; Ita neque tamen reformido
veritatem, in rebus ubi magnum ejus est operæ pretium, cole-
re: contemto, quod illam sequi jam dudum dedidici nescire, odio:
Dicat mihi quæso quisquis sit, & erit mihi magnus Apollo,
quidnam causæ subsit, quamobrem de dubio quodam gravioris
læsionis casu, si numero plures medicorum sententiæ postu-
lentur, tam facile par numerus colligi possit negantium, quam
affirmantium, inam eandemque de indole vulneris ad eventum,
propositionem? Ast verò, quod hoc omni modo ita evenire,
non possit forte folum, sed omnino soleat, si quis dubitare vel-
let, ausim illum paucis verbis ita instruere, ut citra suspectum
alterius cujuscunque argumentum aut judicium suo ipsius ju-
dicio stare atque niti possit. *Hablen cartas, y cailen barbas*, di-
cunt Hispani. Interim cum ea sit conditio humanitatis, ut ille
pro prudente habendus veniat, non qui minime, sed qui mini-
mum errat, tanto magis necessaria erunt adminicula, quibus ab er-
rore sive cohiberi, sive revocari possint, quotquot hisce rebus vel
volunt vel debent animum applicare. Unde quidem laude om-
nino digni sunt omnes, quotquot ejusmodi rebus, in quibus non
minus proclive sit, quam grave, aberrare, facem aliquam præfer-
re in animum induxerunt.

Tu ipse Clarissime CANDIDATE quantumvis hac vice
potius Eruditionis Tuæ documentum dare, quam alios erudi-
re suffecisset, laudabili cœpto, unum quidem faciendum, alte-
rum tamen non omittendum, credidisti. Reête itaque eruditam
deductionem de LETHALITATE VULNERUM, ita
peregisti, ut vario respectu atque considerandi modo methodoq;
licet pleraque quæ alii, non tamen eadem prorsus, verborum at-
que

que rerum serie, sicut alii, per traetaveris. Laborem certe exantla-
sti & operosum & judiciosum, & ita in eo versatus es, ut laude debi-
ta non defraudandus sis. Commodissimè vero evenit, ut Dis-
sertationem ita elaboratam mihi obtuleris, quæ limam ulterio-
rem non requireret; utpote quam adhibere, tempore variis oc-
cupationibus impedito, major mihi quam pro reliqua rei indole
fuiisset labor. Perlegi propterea quidem, sed facile ita uti erat,
reliqui. Nemo sit vir doctus aut peritus, qui in dubium vocare
ausit, quod non solum primario Tuo officio, publicum speci-
men exhibendi abundè satisficeris, insuper autem etiam ad rem
ipsam velutì compendio quodam deprehendendam, satis felix
fueris. Decent sane atque docent hæc monumenta, quod stu-
dium Tuum, per sex & quod excurrit annos, in IH. PHILU-
RÆ A optime collocaveris, & cursus illos quos apud Viros et-
iam post Fata celebres. B. B. ORTLOBIUM atque LANGIUM
decurristi, ita prosecutus sis, ut metam attingere, Brabæum obti-
nere, omnino merueris: Sicut etiam ipsa res haut minus testi-
monii Tibi fert, quam Celeberrimi illi Viri collaturi essent,
nempe Dnn. Professores atque Doctores ceteri laudatæ Aca-
demiae, quod apud omnes atque singulos illorum, multam Tu-
am ac assiduam operam & industriam optime collocaveris. Gra-
tulor Tibi, & macte esse virtute jubeo. Per virtutis ædem ad
Honoris constituerunt aditum prisci Romani; Rectam insi-
stens viam, recte appulisti. Cape Honorem, legitimum præ-
mium. Imo perge progredi, & strenue hanc insiste viam. De-
um venerare, fac officium, insiste studio ac industria negotiis,
ita Te non bona fortuna, sed benedictio divina, felicitas, utili-
tas, quantum precari velim ac possim, complectentur &
sequentur. Vale. Dabam è Musæo Hal. Magd.

XIV. Jul. MDCCIII.

